



'Mipela kliarim rot nau' – Arthur



BIHAIN long 50 krismas we em i wok politiks long Papua Niugini, Prait Minista Gren Sif Se Michael Somare, nau i lusim wok.

Pikinini man bilong em, na Minista bilong Stet Enteprais, Arthur Somare, i makim famili bilong Somare, na tokaut long Tunde dispela wik, olsem em i no inap long kam bek long wok nau.

"Mi makim famili bilong mi, na mipela i laik tokaut long pablik long kantri, olsem Prait Minista Sir Michael Somare, papa bilong mi, bai no inap long kam bek long wok politiks long wanem, i no klia long hamas taim em bai nidim long kisim bek gut strong bilong em," Arthur i tok.

Em i namba tu taim kantri i harim stori bilong helt sindaun bilong Se Michael bihain long Mista Somare i kamaut na toktok long midia las wik Fonde.

Em i tok klia olsem toksave em i givim, em i givim olsem Arthur Somare, husat em i pikinini man tasol bilong Gren Sief Se Michael, na i no olsem wanpela memba bilong kabinet, o gavman.


I bin gat planti tokwin i raun olsem Prait Minista Se Michael bai no inap kam bek long wok politiks.

Lukim moa: I gat loa bilong makim nupela PM – PES 3

PES 4 na 5 – SABINA'S CORNER

KOMENTRI: Luksave na biknem bilong husat?

[i go moa long pes 3](#)



Tok Inglis-

The Chaos theory in PNG politics - P4

Tok Pisin-

PNG Politiks i stap olsem wanem nau? - P5



Insten HaiSpid
Intanet i kamap pinis

Digicel
broadband

k99
Tasol

SCAN ME
Call 123
www.digicelpng.com



OCEAN BLUE TUNA

Gutzpela abus tru na i no dia tumas!



Meri na Jenda Ikwaliti polisi bai helpim ol meri

Veronica Hatutasi i raitim

OL MERI long PNG i ken go fowet long kamapim senis, go insait long ol wok developmen na kontribuit long developmen bilong famili, komyuniti na kantri olsem ol man.

Na nau, i gat polisi o loa bai givim stia long sanap wantaim long wankain level wantaim ol man we Komyuniti Developmen Dipatmen i bin lonsim long Mosbi long dispela wik Mande long Mosbi.

Kolim "Polisi bilong ol meri na jenda ikwaliti -2011-2015", polisi bai givim stia long ol rot we i strongim ol meri na ol man, ol yangpela pikinini meri na ol manki olsem ol ejen bilong senis na tu, long kisim gutpela samting long ol wok developmen i wok long kamapim nau long PNG.

Hal long PNG Institut bilong Pablik Edministresen (PNGIPA) i bin lukim planti meri lida, ol sios, komyuniti na NGO grup, ol dona ejensi patna, Yunaitet Nesens sistem, sampela i makim ol gavman dipatmen na ol skul sumatin i bin kam long lukim dispela lons.

Komyuniti Developmen Dipatmen Sekreteri, Joseph Klapat, i tok tru, dispela em i namba tu 5-pela yia polisi bilong ol meri na jenda ikwaliti i gutpela, tasol bikpela samting em long "implementing" o go hetim we olgeta stekholda o patna i mas putim han wantaim na wok long mekim kamap ol samting i stap insait long polisi i wok.

"I gat bikpela muvman i stap nau i luksave long ol wok developmen i kamap long sait bilong ol meri long PNG.



HIA KISIM: Em i lonsim taim na ol skul pikinini i givim Meri na Jenda Ikwaliti 2011-2015 Polisi Plen i I go long han bilong Komyuniti Developmen Minista, Dame Carol Kidu na Presiden bilong Nesenel Kaunsel bilong ol Meri, Scholar Kakas taim meri lida, Bungtabu Brown na Pasto Vincent Miria na misis bilong em I lukluk I stap. *Poto: Veronica Hatutasi*

"Salens stret em long go hetim polisi, na dispela bai kamap long "malti sekta apros" (o planti dipatmen, grup, gavman, praivet sekta, NGO na sivil sosaiti) i wok bung wantaim. Antap long dispela, i mas gat inap fanding o mani long nesenel, provinsel na distrik level," Mista Klapat i tok.

Taim em i askim olgeta patna olsem AusAID, Yunaitet Nesens Developmen Progrem (UNDP) na PNG Gavman long sapotim dispela plen na i ken wok, em i tok dispela em i wanpela bikpela plen bai lukim olsem ol meri long PNG i sanap long wankain level na kisim wankain luksave olsem ol man.

Bungtabu Brown, i wanpela meri lida long kantri na Is Nu Briten provins i bin wanpela long ol meri i bin stap taim muvmen bilong ol meri i bin stat long ol yia long 1970 taim em bin givim sotpela tasol gutpela histri bilong Nesenel Kaunsel bilong ol Meri, i bin tok em bin hat tru long ol meri i kisim luksave bilong gavman, tasol ol meri i no givap. Na hatwok bilong ol i karim kaikai tude we nau, 22 risev sit bilong ol meri long Palamen bil bai kisim namba tu vot taim Palamen i bung long mun Ogas long dispela yia.

"Long 1970's, ol meri lida i bin gat visen o driman, tasol ol i no bin

save husat long go long en bilong kisim sapot. Ol wok i no go hariap, em bin hat, tasol ol meri i no givap. Na tude, yumi lukim ol kaikai long ol hatwok. Tenkyu long Dame Carol Kidu na dipatmen bilong em long dispela polis. Luksave tu i go long ol lida meri i bin go pas long ol meri muvmen long PNG olsem Rosa Tokiel, Erna Peter, Margaret Loko, Dame Josephine Abaijah, Susan Setae na Scholar Kakas .

"Em bin hat taim bikos i nogat luksavre long Palamen pastaim, tasol tude, gavman i givim sapot wantaim tu ol dona ejensi na ol narapela institusen," Misis Brown i tok.

Em i putim askim i go long gavman long yusim netwok bilong ol meri long wanem, polisi bai no inap wok ausait long meri na ol sapota bilong em netwok.

Ol developmen patna na dona ejensi husat i save givim gutpela sapot long kamapim gut laip na sindaun bilong ol meri na pikinini i bin mekim sampela toktok long dispela lons.

Sophie Close i makim AusAID i tok gavman bilong Australia i givim bikpela helpim long sapotim edukesen bilong ol meri, daunim pasin bilong paitim na bagarapim ol meri insait long famili na kari-maut ol skul awenes long helt bikos ol meri na mama i go long skul bai kamapim ol gutpela senis long famili, komyuniti, sosaiti na kantri.

Em i tok pasin we ol papa i save paitim na mekim nogut long ol meri i samting i stap na go het yet long PNG we AusAID long ol progrem bilong helt , edukesen, ol meri na Komyuniti Developmen Dipatmen i traim long helpim long daunim.

Long wankain taim tu, meri i makim opis bilong Yunaitet Nesens Developmen Progrem (UNDP) i tok dispela polisi em i bikpela samting bikos bai em i givim kliapela stia long gavman na ol dona na developmen patna long etresim turangu o sot long samting pasin, ol meri, yut na ol disebol lain i ken mekim samting long kisim mani na helpim ol yet i daunim turangu pasin. Na tu, long etresim helt bilong ol mama na pikinini, paitim na mekim nogut ol meri na ol arapela moa.

OXFORD, TOK PISIN INGLIS DIKSENERI

Katim, na pulimapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

TITLE	ISBN	PRICE (inc GST)	QTY	SUBTOTAL
PNG Tok Pisin English Dictionary	9780195551129	K38.50		

Recommended retail price is correct at the time of printing and is subject to change without notice.	TOTAL	K
	PLUS FREIGHT*	K
	GRAND TOTAL	K

*Freight cost for one book:
K5.00 across PNG, K10.00 Solomon Is
K13.50 rest of Pacific Is, K17.50 rest of the world

Options for Payment

- 1) Direct deposit into Bank Account (details below)
- 2) Mail Cheque to Word Publishing Company Ltd, PO Box 1982, BOROKO, NCD.
- 3) Call into the office: Office 02, Section 58 Allotment 01, Waigani Dr, NCD.

Account Name: Word Publishing Company Ltd
Account Number: 100 000 5380
Bank: Bank of South Pacific Ltd
Branch: Commercial Centre
Branch Code: 8951
Swift Code: BOSPPCPM

FAX BACK TO : (675) 325 2579

If you are ordering more than one copy please contact us for a quote.
Phone: (675) 325 2500
Fax: (675) 325 2579
Email: word@wantok.com.pg

Name (print): _____ Phone: _____
Address (print): _____

Email: _____ Signature: _____

OL ELC Mu seket meri strongim wok sios

Eric Sinebare i raitim

OL MERI i mas gat strongpela tingting long sanapim sios bilong Kraist i go moa yet.

Dispela em i wanpela bikpela toktok i kamap insait long wanpela bikpela meri konpens i kamap long Evanjelikel Luteran Sios (ELC) Mu seket, Is Simbu district insait long Simbu provins,

Dispela bung i kamap long Yopatole kongrisesen, we stat long dei 12 - 17, mun Jun, 2011.

Albert Bare em wanpela sios lida bilong seket husat i go pas long dispela meri bung i tokim Wantok nius

olsem, dispela kongrisesen em wanpela liklik lain we i stat nupela tasol i amamas long holim dispela bung, bilong ol ELC mama.

Olgeta mama i mas kam bung long soim tru bilip long wok sios na planti wok bilong sios ol mama i save mekim, i mas go yet na sios i mas gro bikpela long wok bilong mama.

Mista Bare i tok moa long 200 mama delegate, wantaim gutpela baibel stadi i kamap em vika pasto bilong Martin Luta Seminari, Bruce Negereng i kisim stadi, na em i tok ol mama i kam wantaim kain kain pilai na tu, ol arapela

lida na grup tu i kamap long dispela bung long givim moa sapot na strongim sios.

Mista Bare i tok wanpela bikpela tok pait na toktok bilong konpens em ol mama i tok long en em long wok bilong ol mama insait long seket. Na ol arapela progrem bilong sios i ken mekim wok long helpim ol yanpela meri insait long sios.

Dispela em, ol HIV na AIDS progrem, gutpela famili wok, famili i kros pait, birua long meri, smuk brus na planti arapela moa tok tu insait long wanpela wik bung, Mista Bare i tok.



PNG em mipela tu, Ol sumatin bilong Tapini praimer skul i singsing nesinel entem na tokim PNG pleg taim ol i welkamim ol bik manmeri long Tapini insait long Goilala Distrik. Poto Nicky Bernard.

I gat loa i stap bilong makim PM

BIHAIN long famili bilong Gren Sif Se Michael Somare i tokaut olsem em i no inap kam bek long wok politik, planti meknais na toktok i kamap long resis i wok kamap long dispela sia.

Tasol i nogat wanpela man i ken resis, na traim winim dispela sia nau yet, long wanem, i gat ol loa i stap, we i bosim wok bilong makim nupela praim minista.

Loya man Peter Donigi i tokaut pinis olsem luksave i mas stap pastaim wantaim sindaun bilong Se Michael olsem praim minista.

Nau yet, tingting bilong noken stap moa long wok politik i kam long bung tingting bilong ol lain famili bilong Se Michael.

Tasol i no klia tumas yet sapos Se Michael i orait long toktok o nogat.

Mista Donigi i tok klia olsem praim minista i ken lusim wok bilong em long tupela rot.

Namba wan em taim Gavana Jeneral yet i bihainim disisen bilong palamen. Palamen bai mekim dispela, sapos Spika i tok klia olsem tupela medikal dokta, we Nesanel Medikal Bod na ol lain atoriti i save givim tok orait long ol dokta long kisim laisens, yet i makim, i painimaut olsem Se Michael i no fit long holim dispela opis.

Sapos, long dispela taim, palamen i no sindaun, orait, Spika bilong Palamen i ken singautim palamen long bung, we askim bilong makim bai namba wan bikpela wok bilong stretim.

Inap wanem taim dispela i kamap, Se Michael i holim yet wok bilong praim minista.

'Mipela kliarim rot nau' – Arthur

i kam long pes 1

Tepela wik bihain long em i bin lusim wok na i go long Singapo long kisim medikal halivim, nau famili bilong em i tokaut stret.

Mista Somare i tok klia olsem ol dokta i bin katim Se Michael tripela taim olgeta, na maski nau em i

abrusim pinis olgeta bikpela birua long bodi bilong em, i no klia long mak bilong taim bodi bilong em bai nidim long strong bek gen.

Somare i tok olsem famili i mekim dispela toksave bilong 'kliarim rot' long olgeta arapela wok bilong kantri, pati, na gavman i ken ron i go het gut.

"Taim famili i no toktok, banis i stap.

Nau mi toktok, em mi kliarim rot. Wanem samting bai kamap nau, o i ken kamap nau, em ol wok bilong palamen, na kabinet tu long lukluk long en. Tasol long mipela famili, mipela i luksave olsem em i taim nau long mipela i toktok long sindaun bilong papa bilong mi, na mipela i kliarim rot," Arthur i tok.

Resis i gutpela long ol gavman bisnis

Veronica Hatutasi i raitim

OL "State Owned Enterprises" (SOE) o bisnis bilong gavman i wok long kam gut nau na wokim winmani na tu, ol i go insait long resis wantaim ol praivet sekta bisnis.

Tu, telekomyunikesen bisnis, bilding na konstraksen bisnis na holsel bisnis i wok long kamap strong na kamapim moa wok, bisnis na mani.

Dispela i bin kamap long ples klia insait long bung bilong ol Sif Eksekutiv Opisa (CEO) we ol CEO bilong 11-pela bisnis

bilong gavman ol bin glasim ol wok we ol wan wan SOE i sapos long mekim bihainim PNG Visen 2050, PNG Distrik Sevis Progem (PNGDSP) 2010-2030 na Midium Tem Divelopmen Plen 2011-2015.

Wok glasim i kamap bikos dispela yia i stap long kalenda bilong gavman olsem yia bilong go hetim ol wok plen polisi i stap long PNG Visen 2050 na ol narapela sotpela tem 5-pela, 10-pela na 20-pela yia plen.

Wanpela kliapela toktok we Ekting Praim Minista, Sam Abal, Minista bilong Stet En-

taprais o ol gavman bisnis, Arthur Somare na Sif Sekreteri, Margaret Elias, i bin autim long dispela bung em long ol CEO i wok bung wantaim long givim gutpela stia long ol bisnis na ol wokman i kam aninit long ol na ol i ken ron gut long inapim ol gol na visen bilong ol, givim gutpela sevis long pablik na tu, go insait long resis wantaim praivet sekta long kamapim mani bilong lukautim ol yet.

"Mi salensim yupela long saptim gavman long kamapim gut rot bilong kisim sevis i go

aut long ol komyuniti bihainim ol gol na visen long ol wan wan ogenaisesen bilong yupela. Long lukluk bilong mi, i mas gat pasin bilong no haitim ol ripot long mekim ol wok na rot bilong yusim mani na tu, mekim gut wok long ol ogenaisesen yumi go pas long en na ol bikpela seaholda em gavman na pipel," Sif Sekreteri, Mis Elias i tokim ol CEO.

"Olgeta gavman ejensi i mas wok bung wantaim na i mas kliapela plen long wanem samting bai kamap na yupela bai lukim gutpela kaikai long ol

ogenaisesen bilong yupela na kantri," Ekting Praim Minista, Mista Abal i tok.

Em i tok fri ikonomi na resis em i gutpela na samting we ol SOE i mas strong long em.

"Yumi save olsem open ekonomi we i gat resis i gutpela long olgeta bikos bai lukim olsem wok i ron gut, planti wok i kamap na prais bilong ol samting long ol guts na sevis i stap long gutpela mak. Resis i gutpela long ol samting i gi gut long bihain taim," Mista Abal i tok.

i go moa long pes 6

KIKSTATIM DEI WANTAIM



The Chaos theory in PNG politics



CENSUS INTERVIEWERS TRAINING

About 40 thousand "knowledgeable" Papua New Guineans stand ready at all Local Level Governments (LLG) to undergo intense training before they go out and conduct the 2011 National Population and Housing Census.

The week long trainings from Monday 4th July will be conducted simultaneously in each of the 339 LLG centers through the country.

This is the final and most important of the Three-Tier-Training for all those involved in conducting the whole Census exercise.

Almost all LLG Centers have received their training materials and are set to commence except Western Province and the Autonomous Region of Bougainville.

Senior Logistical Officer with the National Census Office (NSO) Mr. Heni Frank, said the two areas are proving to be a "logistical nightmare".

Mr. Frank said irregular water transport schedules coupled with load requirements by operators have led to delays in getting the training materials to the LLGs of the two provinces on time.

But Mr. Frank said such hick-ups were expected and he expressed optimism that the materials will be delivered to the respect LLGs before the training begins.

Materials for the last training phase include training manuals, census pads or questionnaire forms, posters, brochures and events books among others. The first training in Port Moresby last month was the training of master trainers. They consisted of key NSO personnel and nominated Officers from National Departments and the Provinces.

The master trainers then went out and conducted Provincial Trainers Trainings, the second level, at main centers in all the Provinces from the 13th – 17th June.

The Provincial trainers (retired or existing civil servants) who represented the various LLGs will now be at the fore-front to prepare enumerators in their respective centers to begin the week's training on Monday.

The final of the Three-Tier-Training is a massive exercise in which about 40,000 people will be trained on how to conduct the census when they visit every house-hold from the 11th – 17th July.

Census Director, Mrs. Hajily Kele, expressed satisfaction that the whole training schedule is being completed as planned. Mrs. Kele said they allowed for at least a week in between each training level to off-set delays and this has proved useful in the overall planning.

The engagement of "knowledgeable" people as enumerators has been emphasized by the Government.

In announcing the Census this year, the Minister for National Planning and District Services, the Hon. Paul Tiensten, challenged NSO to attain quality data.

Hon. Tiensten said the engagement of knowledgeable interviewers will result in the gathering of quality data which is needed by the Government to Plan development and empower the people through effective service delivery.

Last week, Hon. Tiensten announced an update on the preparations towards the census and with just two weeks before the enumeration week, he assured the Government and people that NSO will deliver.

"Count Me In and Plan For Me?"

IS THE National Alliance in disarray? The answer is both a "yes" and a "no" for obvious reasons. Firstly, the party as a whole is not in disarray. The only people in disarray are the highlander politicians and their supporters. This is the result of a classic case of divide and rule tactics played by the Kitchen Cabinet in the Somare Government.



about making one honest decision for a change?

And getting back to the political front, it has finally happened that Peter O'Neill got the boot as we predicted. And true to form, the Engan A/PM put Polye, another Engan out of the way. And in order to clear the pathway to various secret bank accounts in Swiss Banks, Duma was also told to pack up and make way for the pack to move in to check on their board.

And is there any truth in the media that a resolution sacking Abal from NA has been sent to the NA Office in Port Moresby and that the Resolution has been accepted. Okay, now that Abal too must go, who picks up the Acting PM's position?

With all these sackings of members of political parties, it is now for Sir Kina Bona, the Registrar of Political Parties, to tell the nation what the political party status of each of the members who have been "sacked" by various political parties like URP sacking Potape and Agiru and NA sacking Abal. Well, what is the current legal status quo of these leaders who have lost their individual status as members of each of these parties?

As we pointed out earlier in this column, we repeat that what we are seeking now are ripples of things happening behind the scene. There is a lot of wheeling and dealing going on behind the scene. The problem is a little complicated because both Patrick Pruaitch and Arthur Somare are up there on stage trying to defend themselves against charges laid by the Ombudsman Commission (OC). And with these charges being considered at about the same time that the political infighting is going on, it is surely not a healthy sign for both of them.

Patrick Pruaitch is the Deputy Leader of NA for Momase Region. And this is a position that was given to Pruaitch in Kokopo, despite Arthur Somare's outburst in front of the Chief for being overlooked in favour of Patrick. When the time came to nominate Deputy Leaders of NA, the Chief had no doubt that he wanted Pruaitch for the job, whereas Arthur had other ideas. And now, with the Chief leaving the post of parliamentary Leader of NA, it is now open to all the deputy leaders to nominate for the job. But will they?

As far as Sam Abal is concerned, there is no vacancy for the post of parliamentary leader of NA. In other words, that is a foregone conclusion. Given that Abal is already the A/PM, that post automatically belongs to him; the NA must give it to him. However, this is not the way the 4 deputies and the rest of the members of NA are thinking. As far as they are concerned, there is a vacancy

in the post, so NA must follow due process and appoint its PM that way. In other words, there cannot be any short cut.

The problem with NA is that things are not happening by consensus within the party. Everyone within the party vying for the post of PM has his own small factions to support him. Take the case of Patrick Pruaitch who had been courting Peter O'Neill ever since he became the Finance Minister. And before he left the Ministry, he ensured that his mate O'Neill took his job and he did. Patrick wanted O'Neill's support to the top post.

However, since Patrick came back and took his job back, O'Neill is no longer putting his weight behind Pruaitch in the fight for that top job. O'Neill is now frantically looking elsewhere for courtship and network building. In our view, the bigger loser here is Patrick Pruaitch, because he is now isolated from O'Neill. He has no highlands supporters.

Don Polye was the next Deputy NA leader whose fate was determined by someone else behind the scene. Abal was imported from Polye's Enga country to fight Polye. And what better way can there be; get an Engan to fight an Engan! That was a superb idea of some superhuman force acting behind the scene. Obviously, Polye did not see it and least of all did Abal see it. The guts of it all are that these two were singled out to eliminate each other. It is not only a classic case of divide and rule; it is much more than that. It is a simple case of getting two opponents to eliminate each other to clear the stage for someone else to move in.

Now with NA Momase in suspense and NA Highlands in chaos, that would leave us with NGI and the Southern Regions intact (supposedly). It is one of those curious things with their source being historical fact, and that is that NGI politicians do find common ground when dealing with Momase politicians and not the highlands and Papuan politicians. If we stretch this reasoning a little further it comes to this that NGI leaders will be talking to the Momase pack to resolve the political chaos now being played out in the open. And if they need numbers, they will be engaging the Papuans to fill any gaps.

We have said it openly in this column that Leo Deon of East New Britain is one politician with personal integrity. If he makes the choice to run for the job of leader of the NA party in parliament, he would win on merit alone. The Papuan leadership of NA should side with Dion for no other reason than that Deon is a true leader with personal integrity unlike many. Thus, with Papua under his belt, Dion should pick up the Momase members who must be fed up with Sir Michael Somare's kitchen cabinet members who have been manipulating the national government for too long.

And who is behind the scene manipulating this political puppet show which is now unfolding itself? The members of the Somare's kitchen cabinet, of course, but with the

Chief out of action, it is now the case of every man and his dog for himself. But the curious thing here is that with the Chief safely out of reach in Singapore, our hunch is that someone walked into the scene and set to work building his web, getting people caught and destroyed, and putting others out of action by getting them entangled within the web. There surely is a phantom at work here.

It seems as if this phantom has a golden egg that he must protect at all times. Therefore, between now and the national elections next year, he is frantically working around the clock to ensure that the egg is protected where it is parked for incubation. He has built a visionary empire all sketched along the lines of the Greek Parthenon and extending from the Middle East to the Swiss Alps. He has envisioned it all in his mind and feels that given time he will be the Kublai Khan of the Pacific, or the Pacific version of Julius Caesar of the Roman World. He has big ideas, this guy; and most of them are dangerous ideas; dangerous both for himself and for others as well, especially those politicians stupid enough to follow him or get caught in his web of fantasy.

And will this phantom make it back to the parliament after the national elections? Yes, that has been arranged as far as he is concerned. He now owns a helicopter company with a fast growing fleet of helicopters. To start with, he has a K60 million contract from the National Electoral Commission to ferry electoral officers around the country. And it is rumoured that the helicopters will also be used to swap ballot boxes from their points of pick up and whilst the genuine boxes will be dropped off elsewhere to be destroyed, the ones carrying false ballot papers will be dropped at officially designated points to be ferried to the counting centres under police escort.

What happens if NA loses the national elections? If that were to happen, which is highly unlikely, the NA members behind this push for power will simply buy off all non NA members and that way form another NA led government to maintain its economic positioning. With the LNG Gas Project under way and all that money floating around the country, and more to come when the project goes into production, the present batch of politicians in power will not allow anybody to get them off the scene that easily. There is just too much money at stake. That is, NA must get back to power at any cost.

Five more years with NA? Yes, NA, but guess who would be the one doing business under the label, "NA"?

Yes, we have to fasten our seat belts for another rough ride for 5 more years under NA government after the 2012 national elections. And then another 25 more years after that.

NA will be in power for 30 years which is the life of the LNG Project. Read the \$US2 Billion Loans Agreement between the State and the Middle East Lenders. You will then get the idea of what is coming your way.

If you enjoy reading Sabina's Corner, you can now contact Sabina on email: sabina@wantok.com.pg
Feel free to provide comments, suggestions, and information on topics you think Sabina should discuss.



PNG Politik i stap olsem wanem nau?



Trening bilong senses

NESENEL Alaiens pati i bruk nabaut pinis? Bekim em 'yes' na 'nogat'.

Namba wan samting, pati yet i no bruk. Ol lain husat i bruk em ol Hailans politisen na ol sapota bilong ol. Dispela i kamap bihainim divait na rul tektiks em Hauskuk Kabinet yet i mekim insait long Somare gavman.

Tasol nau, Hauskuk Kabinet tu i gat ol hevi bilong em yet, nau. Ausait, Momase rijen i wok sapotim Patrick Pruaitch long posisen bilong Deputi Praisim Minista, bihain long Sam Abal i kisim wok praim minista, tingting bilong mipela, em yumi noken guria na toke m i stret, long sait bilong pati lidasip, opis bilong Deputi PM, na tu, opis bilong PM yet.

Olgeta dispela ol wok i stap yet, na Hauskuk Kabinet yet i wok long stretim ol namba bilong em i stap.

Ol samting yumi lukim nau, em ol kaikai bilong sampela bikipela politikis pilai i wok kamap baksait long ples hait.

Mipela i mas wet na lukluk long wanem kain pilai i wok kamap, na long halivim politikis na ekonomik sindaun bilong husat tru.

Long kirapim dispela tingting, watpo na helt sindaun bilong Se Michael i stap hait long famili tasol, taim pipel bilong Papua Niugini i wok long singaut painim stori long helt bilong praim minista bilong ol?

Nogat ol lain Hauskuk kabinet i wok yusim PM long strongim politikis sindaun bilong ol antap long ol birua bilong ol? Na sapos mipela i win long dispela tingting olsem Se Michael i stap samting ol arapela i wok long yusim (taim i nogat toksave i kam aut), long halivim wan wan politisen long go insait long ol bikipela wok, orait, olsem wanem long toktok Arthur Somare i givim long palamen long sindaun bilong helt bilong praim minista nau, na i no 10 o 12-pela wik i go pinis? Em i min olsem makim bilong ol wok i go long ol boi bilong klab i mas klostu pinis nau, olsem na ol i kamaut na tokaut long publik?

I nogat wanpela i ai op long toktok Arthur i mekim.

Ol PNG pipel i no wari long tingting bilong Somare famili, na sapos Se Michael i orait long kam bek long opis bilong PM. Dispela em i gat rot na wok bilong em yet. Opis bilong PM i no bilong bihainim lain bilong famili bai ol i ken tok olsem em i nap o no inap go bek long wok. Mipela i ting olsem em i wanpela publik opis, olsem na sapos i mas i gat narapela lida i kisim ples long dispela wok, em ol lida bilong dispela kantri yet bai makim em.

Sapos Somare famili i tok olsem ol bai tokaut sapos Sir Michael bai go bek long wok, i wankain olsem ol i tok olsem dispela man i no inap long yusim tingting bilong em yet, olsem na famili i mekim disisen. Watpo ol i no inap tokim mipela tasol olsem Sir Michael i no medikali fit long kisim bek wok olsem PM? Wanem samting i hat long

mekim wanpela honas disisen? I no wanpela samting.

Orait, yumi go bek long politikis. Olsem mipela i bin tok pinis, Peter O'Neill i lusim wok bilong em i bosim Fainens na Tresari. Na tru yet, Ekting Praisim Minista bilong Enga i rausim Polye, narapela Enga. Na long kliarim rot i go long ol hait benk akaun insait long ol Swiss Benk, ol i tokim Duma long pekap na muv aut, bai ol hauskuk kabinet lain i ken go insait na sekim hait mani bilong ol.

Na i gat as tu long ol midia toktok olsem wanpela resolusen bilong rausim Abal long NA i go pinis long NA opis long Pot Mosbi, na ol i orait long dispela resolusen? Orait, ating nau, Abal tu bai mas go. Na husat bai kisim dispeal wok Ekting Praisim Minista?

Wantaim olgeta ol dispela rausim bilong ol memba bilong ol politikal pati, nau i stap long Sir Kina Bona, Rejistra bilong ol Politikal Pati, long tokim kantri wanem politikal pati sindaun bilong wanwan long ol memba we ol politikal pati i rausim ol olsem URP i rausim Potape na Agiru, na NA i rausim Abal. Orait, wanem em loa sanap bilong ol lida husat i lusim olgeta luksave olsem ol memba bilong ol dispela pati?

Olsem mipela i bin toksave pinis long dispela kona, mipela i tok gen olsem mipela i wok long lukim nau ol kaikai bilong ol arapela bikipela samting i kamap long ples hait. I gat planti politikis i wok kamap. Hevi i stap yet bikos Patrick Pruaitch na Arthur Somare i wok long sakim ol sas Ombudsman Komisen i pariarim i go long ol. Na ol dispela sas bai kisim wok glasim yet taim ol dispela senis long politikis bai kamap. Em i no gutpela mak bilong dispela tupela man.

Pruaitch em i deputi lida bilong NA bilong Momase rijen. Na dispela em i posisen ol i bin givim long Pruaitch long Kokopo, maski Arthur Somare i bin autim belkros bilong em long ai bilong Chief, taim em i luksave long Patrick, na pikinini bilong em yet, nogat. Taim ol i laik nominetim ol Deputi Lida bilong NA, Chief i klia olsem em i laik Pruaitch long dispela wok. Arthur yet i gat laik bilong em yet. Na nau, taim Chief i lusim wok olsem palamen lida bilong NA, em i opim dua long olgeta deputi lida long nominet bilong dispela wok. Bai ol i nominet o nogat?

Sam Abal yet i save olsem i nogat wok i stap bilong palamen lida bilong NA. Em i ting dispela rot i pas. Bikos Abal i ekting praim minista binis. Em nau, dispela wok em bilong em; na NA i mas givim em. Tasol dispela i no wankain tingting 4-pela deputi na ol arapela memba bilong NA i gat. Long ol yet, dispela wok i nogat man long en, olsem na NA i mas bihainim rot bilong makim PM. I nogat sotkat.

Hevi i stap long NA, em olsem ol samting i no kamap bihainim tingting bilong olgeta insait long pati. Olgeta wanwan insait long pati husat i

wok resis long wok bilong PM, i gat ol sapota bilong em. Pruaitch yet i wok long pren gut wantaim Peter O'Neill, bihain long em i kamap fainens minista. Na pastaim long em i lusim ministri, em i sanapim gutpela poro bilong em, O'Neill long dispela wok, na em i mekim kamap. Patrick i laikim sapot bilong O'Neill i go long namba wan wok long kantri.

Tasol bihain long Patrick i kam bek, na kisim bek olpela wok bilong em, O'Neill i no moa givim sapot bilong em long en. Nau O'Neill i wok long painim ol arapela poro long bungim sapot bilong em. Long luksave bilong mipela, man husat bail us, em Patrick Pruaitch, bikos nau em i no stap klostu long O'Neill. Em i nogat hailans sapota olgeta.

Don Polye i bin narapela Deputi NA lida, we wanpela haitman i bin makim kos bilong em long bihainim. Ol i kisim Abal i kam long Enga kantri long paitim Polye. Tru tumas, dispela em i gutpela tingting tru. Kisim wanpela Enga long paitim wanpela Enga! Polye yet i no lukim dispela, na Abal tu i no luksave. Dispela tupela man, em ol haitman yet i makim tupela long paitim na rausim tupela yet. I no wanpela bikipela samting long skelim. Tupela em wanpela narapela i mekim tupela i paitim ol yet, bilong kliarim rot bilong narapela long kam insait.

Nau, we NA Momase i no sindaun gut, na NA Hailans tu i bagarap na stap, em nau, yumi gat NGI na Sauten rijen i pas strong yet (ating). Em i wanpela long ol dispela samting we i nogat planti askim long en. Em i klia olsem ol NGI politisen i save isi moa long wokbung wantaim ol politisen bilong Momase, na i no ol hailans na Papua memba. Sapos yumi pulim dispela tingting i go yet, i kamap klia olsem ol NGI lida bai toktok wantaim ol lain long Momase long stretim dispela politikis nau i wok long seksek i stap.

Na sapos ol i nidim moa namba, bai ol i toktok wantaim ol Papua long inapim olgeta spes.

Mipela i tokaut pinis, olsem Leo Dion bilong Is Nu Briten em i wanpela politisen i gat gutpela bel na tingting. Sapos em i tingting long resis long wok bilong lida bilong NA pati long palamen, em i ken winim long gutnem na luksave tasol. Papua lidasip bilong NA bai sapotim Dion, bikos ol i luksave olsem em i wanpela trupela man, na i no olsem ol arapela lida. Olsem, na wantaim Papua, Dion bai kisim inap sapot long ol Momase memba husat i les pinis long hauskuk kabinet bilong Sir Michael Somare, husat i wok long pilai na stiaim nesanel gavman longpela taim tumas.

Na husat tru dispela haitman i wok long stiaim olgeta samting i wok kamap ples klia nau? Em ol memba bilong hauskuk kabinet tasol. Chief tasol, bai nogat nau, na olgeta wan wan bai tingting long lukautim em yet.

Tasol mipela i ting olsem taim Chief i bin stap longwe

long Singapore, wanpela i mas wokabout i go insait na ol i go het long rausim ol lida na senisim ol. Tru tumas, i gat wanpela tewel i wok i stap long hia.

I olsem dispela tewelman i gat wanpela golden kiau we em i mas oltaim lukautim gut. Olsem tasol, na namel long nau na nesanel ileksen neks yia, em i wok long hatwok tru long lukautim na banisim gut dispela kiau, long ples em i hait na stap, wetim taim bilong bruk. Em i sanapim pinis wanpela bikipela wok bisnis we em i napim olgeta hap kona long Midel Is i go long Swiss Alps. Em i lukim long driman bilong em olsem em bai kamap bikman bilong Pasifik, o Julius Sisa bilong ol Roman. Em i gat planti bikipewla tingting, dispela man; na planti long ol dispela aida em ol aida nogut; em i nogut bilong em yet, na ol arapela tu. Moa yet ol politisen husat i long long tasol na bihainim em o pas insait long trep bilong em.

Na dispela tewel bai kam bek long palamen bihain long nesanel ileksen? Yes, olgeta dispela wokabout, em i stretim pinis. Nau em i bosim pinis wanpela helikopta kampani i wok long baim palnti nupela helikopta i stap. Em i winim pinis wanpela K60 milian kontrak i kam long Nesanel Ilektoral Komisen long karim ol ilektoral opisa i go kam long kantri. Na i gat tokwin tu olsem bai ol i yusim ol dispela helikopta long senisim ol balot bokis long ol ples ol i kisim ol, na ol tru tru balot bokis, bai ol i tromol long wanpela ples we ol bai kukim olgeta. Em nau, ol dispela i karim ol giaman balot pepa bai ol i lusim long wan wan ol ples bai ol i karim i go long ol kaunim senta aninit long ai na lukaut bilong polis.

Na bai olsem wanem, sapos NA i lus long nesanel ileksen? Sapos dispela i kamap, we ating bai nogat, ol NA memba i stap baksait long pawa bai baim olgeta memba i no stap long NA, bai ol i holim yet gavman na ol mani bilong en. Wantaim LNG ges projek i stap yet, na olgeta mani i tirip nau long kantri, na moa mani bai kam taim projek i go long prodaksen, ol politiseni stap nau bai no laik larim ol arapela i rausim ol. I gat planti mani tumas i stap. Olsem na NA bai mas stap yet long gavman.

Faivpela moa yia wantaim NA? Yes, NA, tasol husat bai mekim wok aninit long nem 'NA'.

Tru tumas, mipela i mas pasim gut ol sia let, na redi long narapela kalap kalap narapela 5-pela moa yia aninit long gavman bilong NA bihain long nesanel ileksen. Bihain, bai narapela 25 yia gen.

NA bai stap long gavman inap long 30 yia, we em i laip bilong LNG projek.

Ridim \$US2 bilian Dinau Agrimen namel long gavman na ol lain i givim dinau long Midel Is.

Em nau bai yu klia long wanem kain birua i wetim yumi stap.

INAP long 40, 000 Papua Niugini manmeri husat i gat save long wok, i stap redi nau long wanwan lokol level gavman (LLG) bilong ol long kisim bikipela trening bipo long ol i go aut na mekim wok bilong 2011 Nesanel Populesen na Hausing Senses.

Dispela trening bilong ol bai stat long Mande Julai 4 long olgeta 339 LLG senta insait long kantri.

Trening long dispela ol ples bai kamap long wankain taim na bai ron inap wanpela wik.

Planti long ol dispela LLG i kisim ol samting bilong kamapim dispela trening pinis na i redi tasol long stat.

Tupela ples tasol we i no redi yet em Westen Provins na s Otonomes Rijien bilong Bogenvil.

Sinia Losistikol Opisa bilong Nesanel Senses Opis (NSO), Mista Heni Frank, i tok ol i painim hat long kisim ol samting i go long dispela tupela ples.

Em i tok bikipela hevi stap long putim ol kago long ol bot na kisim i go long ples i stap sait o antap long wara.

Dispela i mekim na ol i no kisim ol trening samting i go long dispela tupela ples long taim stret.

Mista Frank i tok, ol i save olsem dispela kain ol hevi bai kamap na i bilip yet olsem ol bai kisim ol samting i go long dispela ol ples bipo long olgeta trening i stat long ol arapela ples.

Ol samting bilong kamapim dispela ol trening em ol posta, trening buk, ol pepa bilong wok na arapela samting olsem.

Namba wan trening bilong dispela we i kamap long Mosbi long mun i go pinis em i bilong ol masta trena.

Ol lain husat i kisim dispela trening e mol bikman bilong NSP na ol arapela opisa bilong ol nesanel dipatmen na ol provins we ol i makim long en.

Dispela ol masta trena i go aut na kamapim ol trening bilong ol provinsol trena, dispela em namba tu level trening na i bin kamap long ol bikipela senta long wanwan provins long Jun 13 i go long 17.

Dispela ol provinsol trena em ol wokmanmeri husat i pinis long wok o i stap yet, ol i bin makim wanwan LLG bilong ol long dispela trening.

Nau bai ol i go pas long redim ol inumereta (enumerator) o ol wanwan manmeri long mekim dispela wok, long wanwan senta bilong ol long kamapim dispela ol trening long Mande.

Laspela hap bilong dispela tripela-hap trening em i bikipela tru na inap long 40, 000 manmeri bai kisim.

Ol bai lainim long mekim wok senses tai mol i go long wanwan haus insait long kantri long Julai 11 i go long 17.

Sensas dairekta, Misis Hajily Kele, i tok amamas olsem olgeta samting i ron gut na ol trening bilong ol bai pinis long taim stret.

Em i tok ol i lusim wan wik namel long olgeta trening long givim taim long pinisim ol arapela wok na dispela i helpim ol long mekim ol samting gut.

Minista bilong Nesanel Plening na Distrik Sevis, Hon. Paul Tiensten, i toke m i gutpela long kisim ol manmeri husat i gat save long wok bai ol i ken painim na bungim gut olgeta infomesen.

Em i tok Gavman i laikim gutpela infomesen o namba bilong ol manmeri bai em i ken kamapim ol gutpela tingting na wok long lukautim na helpim gut ol manmeri.

'Revolutionising our roads'

Olgeta lida mas sanap strongim Rot Sefti

Senis kamap long

PNG
Rot
Sefti



Wantaim

Dr John Mua

Dr John Mua is the Managing Director of Motor Vehicles Insurance Limited, which founded the Road Safety: It's Not A Game public awareness campaign.

LONG ol namba i kamap long namel bilong kwalifikesen taim bilong MVIL 'Road Safety - It's Not a Game' PMV NRL draiva kompetisen, las wik mi bin ripot long ol gutpela na nogut bilong dispela resis.

Mi lukluk long ol mobeta samting

i kamap dispela yia, we mipela i gat klostu 50% long ol draiva long NCD i stap orait long resis, na klostu 100% bilong ol draiva long ol ples long Galp na Sentral provins i stap orait yet long dispela resis. Moa gutpela wok abrusim mak bilong las yia i

bikpela tru. Mi bilip mipela bai lukim planti long ol dispela draiva i gat sans yet, tasol noken lus tingting olsem i gat longpela rot yet long go.

Insait long ol eria we i gat nid bilong mobeta wok i kamap, mi no laik daunim mak bilong askim i go long ol lain i stap long Isten Hailans, we 50% long ol draiva long dispela provins i stap yet. Taim mipela i lukluk long ol risal i kam inap nau, we PNG i gat 75% long ol rejista draiva i ken kwalifai yet, em i klia olsem wantaim ol provins i gat ol bikpela namba i stap yet, i gat ol arapela i wok long pundaun.

Bikos long dispela, mi laik askim olgeta komyuniti lida insait long olgeta wan wan provins i mas luksave long nem na sanap bilong ol insait long komyuniti, na strongim toktok bilong senis pasin long rot sefti na ol pasin bilong draiv.

Long sait bilong rot sefti na wantaim kirap bilong MVIL kempen, nau em i klia na i gat inap stori

olsem ol gutpela pasin i wok long pundaun moa.

Dispela kain tingting "em bai no inap kamap long mi o famili bilong mi", em i wanpela tingting i pas strong tru long ol lain famili.

Em i taim nau bilong ol lain i gat lida wok long yusim dispela biknem long ples o komyuniti bilong yu, long sanap na mekim nois. Yumi mas traim kirapim dispela long ol ples olsem Isten Hailans.

Ol komyuniti lida i mas sanap na traim daunim tait bilong ol draiva husat i wok long lus long stap insait long dispela resis. Em nau, bai luksave na rispek i kamap, abrusim mak bilong ol rejista PMV draiva tasol.

Em i ken kamap olsem kirap bilong inapim mak we ol jeneresen i kamap na i painim wanpela nupela tingting na luksave long rot sefti, we tru tru bilip long laip bilong ol arapela i kamap olgeta de long ol rot bilong yumi.



PNG POWER Ltd

PNG Power i opim pinis nupela kastoma sevis senta bilong en long Datec Complex long Ahuia Strit long Gordons, NCD. As tingting bilong dispela senta em long givim wanpela ples bilong ol kastoma bilong mipela long kisim olgeta helpim long ol sevis na wok ol i save kisim.

Em i gat kol senta menesmen, mita seve, nupela koneksen, inspeksen na reguletori sevis we bai wokbung wantaim 24 awa sevis long mekim wok bilong bekim askim bilong ol kastoma i kamap gut moa.

Ol fon namba bilong mipela em 323 0961 o 325 6993. Yu ken ringim tu 24 awa sevis long 325 6988 o 323 4774. Opis i save op long 8:00am i go long 4:30pm.



Resis i gutpela long ol gavman bisnis

i kam long pes 3

Mista Somare i tok long tude, ol wok mani bilong ol SOE i kamap gut na o no olsem pastaim we sampela long ol, olsem PNG Pawa, PNG Post em klostu ol bin pundaun.

"Tude, mi amamas long tokaut olsem olgeta SOE i gat gutpela heliti balens sit we i narapela long ol ripot bilong sampela yia i go pinis.

Em i tok long las yia, IBPC, Pos PNG na PNG Petroleum Kampani i bin gat ol gutpela fainensel ripot na Pablik ASkauns Komiti i bin amamas long ol ripot bilong ol.

Sampela ol SOE we i wok long mekim gut na pulim bikpela winmani bilong gavman em long PNG Pawa we i mekim K500 milion win mani long wanpela yia, Air Niugini wan-

taim K700 milion na ol i ting em bai abrusim K1 bilion mak taim LNG i stat long salim ol mineral i go aut long kantri long yia 2014 na ol arapela moa.

Mista Somare i tok ripot bilong Sentrel benk i soim olsem groa bilong wok mani long PNG i ron long 7 pesen mak na ol wok long fomol sekta i groa long 50 pe sen mak long 2002 inap long Jun las yia.

"Morobe provins i go aps wantaim groa long ol wok long 87 pe sen mak, Momase rijen wantaim 80 oe sen, Niugini Ailans wantaim 60 pe sen na NCD wantaim 40 pe sen.

"Konstrakesen na bilding eria i lukim groa long ol wok wantaim 88 pe sen na holisel bisnis i kamap namba tu wantaim 71 pe sen," Mista Somare i tok.

HOLY LAND tours ISRAEL & JORDAN

10 NIGHTS & 11 DAYS
FROM **K9499*** PP

PACKAGE INCLUSIONS: Return airfares Port Moresby to Jordan via Singapore and Colombo, twin share accommodation in Jordan, Israel, Colombo and Singapore, airport transfers, meals where specified, all tours and fees, taxes and surcharges.

CHECK OUT THESE **AMAZING** HOLY LAND ATTRACTIONS

- > The Sea of Galilee > Nazareth > Church of St Joseph > Ein Karem > The Wailing Wall > Church of the Holy Sepulchre

Call toll free on **180 3444** or contact your nearest Air Niugini Travel Centre or Travel Agent to secure your Holy Land Tour

* Price based on a minimum of 15 persons. Price is per person and subject to change and availability. Strict conditions apply.



Tapini Goilala gat nupela Distrik Helt Senta

Nicky Bernard i raitim

OL GOILALA pipel insait long Tapini eria long Sentrel bai kisim gutpela helpim long sait bilong haus sik bihain tasol long opim bilong nupela helt senta long dispela wik Tunde.

Dispela nupela helt senta o haus sik ol kolim long Our Lady of the Sacred Heart em Bereina Daiosis i lukautim bihain long Sentral Provinsel Gavman i pasim helt sevis bilong em long Tapini.

Bereina Katolik Daiosis na Sentral Provinsel Gavman i bin sainim MOU o pepa long luksave olsem dispela helt sevis bai stap long lukaut bilong Bereina daiosis long 2008.

Man i go pas long dispela nupela helt senta long Tapini, Pater Brain Cahill, i tok dispela nupela haus sik na haus bi-



NUPELA HELT SENTA: Dispela em nupela helt senta long Tapini ol bin opim long Tunde tasol. Ol man I wokabaut I go long opening bilong em. *Poto: Nicky Bernard*

long ol wok manmeri em, mani mak bilong em K2.4 milion i kam long Nesenel Plening, Sentral Provinsel Gavman na

Bereina Daiosis long sanapim dispela nupela haus sik.

Dispela nupela haus sik i gat ples bilong ol sik manmeri na

pikinini slip long en olsem wod, i gat ples bilong mama karim, ICU, wod bilong ol pikinini na aut pesen bilong

kisim marasin.

Pater Brain I tok tu olsem dispela haus sik em i moa bikpela na ol bai yusim sampela mani gen long mekim wanpela haus gen bilong HIV – AIDS VCT senta.

Gavana bilong Sentral Provins, Alphonse Moroi, tok tenkyu i go long Berena Daiosis long kamapim dispela helt senta na askim ol pipel bilong Tapini na Goilala long lukaut gut dispela helt senta.

Mista Moroi na Bishop bilong Bereina Daiosis, Rochus Tatamai i bin opim dispela nupela helt senta long Tunde dispela wik.

Ol bikman husat I stap long Mosbi na go witnessim em, Helt Seketri Dokta Clement Malau, memba bilong Goilala, wok manmeri bilong Sentral Provinsal Gavman na ol nuis manmeri.

Sen John's Oda i selebretim 54 yia sevis long helt na marimari wok

Vewronica Hatutasi i raitim

WANPELA ogenaisesen i save mekim bikpela wok helpim long pablik i sik nogut tru, i kisim bikpela birua long naturel disasta, long sik, karim bebi na ol kain hevi em Sen Johns Ambalens Sevisna ol narapela han sevis i kam aninit long Oda bilong Sen John. Long las wik Sande Jun 26, Oda bilong Sen John i bin selebretim 54 anivesari wantaim lotu, ol narapela ektiviti na mas we ol wan wan han bilong oda i bin kamapim long Salvesen Ami sios long Boroko.

Stat long 1957 taim Sen John Oda i bin kirapim Sen John Ambalens Asosiesen long Mosbi, ol i

skruim wok we i lukluk moa long givim helt na humeniterien o wok marimari helpim sevis.

Oda bilong Sen John long PNG i gat long em 8-pela grup o mekim ol wok marimari helpim na helt sevis em long , Sen John Ambalens sevis, Sen John Edukesne Sevis, Sen John Volantia Sevis, Sen John Blain o Aipas Sevis, Sen John helt sevis, Sen John Blut Sevis na Sen John Dairektoret.

Oda i gat 400 pemanem woklain na 450 volantia o wok Mosbi siti, Wewak long Is Sepik, Arawa tasol nogat nau bikos long Bogevil hevi, Hagen, Madang na Alotau.

Douglas Kelso husat i bin

dairekta o bosman bilong Sen John's Ambalens long 8-pela yia i tok taim em i tekova long wok long yia 2003, Ambalens Sevis i bin pundaun bihain long Komisina Graham Keake i bin dai.

Wantaim bikpela salens, em bin kirapim bek ogenaisesen wantaim 18-pela opisa, tripela ambalens i bagarap, ol telepon i bagarap, nogat rekot, bikpela din au na K1,800 long benk.

Tasol tru, sampela hevi i stap yet, ogenaisesen i ron gut wantaim moa long 800 wokman na ol volantia.

Mista Kelso i tok insait long wanpela yia, Sen John's Ambalens i save helpim 14,000 sik

manmeri n a pikinini.

Nau, Oda i gat tupela klinik olsem Gordons Klinik we i save lukim 7,000 siklain insait long wanpela mun na Gerehu haus sik we i save luki 20,000 siklain insait long wanpela mun.

Long dispela selebresen tu, Mista Kelso i bin givim ki long wok i go long nupela bos, John Waingut, wantaim helti baset long mak bilong K6 milion plas, ol pe-

manen woklain long mak bilong 400 na ol volantia na sinia menesmen.

Mista Kelso i bin autim luksave na amamas i go long planti lain na kampani husat i sapotim Sen John's long ol wok bilong em. Em long Brian Bell na Kampani, Lutz Hatwea, Pasifik Enjiniering, Mosbi na Boroko Roteri, Sanjay bilong Suprim Indastris na 14-pela moa.

Mekim gut wok: Malau

SINGAUT i go long ol wok manmeri long helt sekta long mekim gut wok, maski i gat planti salens i stap.

Helt Sekreteri, Dokta Clement Malau, I tok olsem taim em i tokaut long pinis long wok kontrak bilong em long neks wik Julai 4, 2011.

Long wankain taim tu, em i autim tok amamas long sampela wok kamap we helt sekta i bin lukim long taim em i helt sekreteri.

"Mi singaut long olgeta helt wok manmeri long mekim gut wok, maski ol salens i stap. Bihain taim bilong helt i stap long han bilong ol dispela i stap long ol posisen i gat pawa nau. Nogat narapela i gat pawa long kamapim gut ol samting long bihain taim, em yumi ya husat in save mekim ol disisen na sanapim ol bilding blok bilong bihain taim. Taim mi pinis long wok klostu taim nau, mi askim olgeta pipel long sapotim helt sekta long skruim ol wok long kamapim senis plen," Dokta Malau i tok.

Long wok bilong em olsem Helt Sekreteri, Dokta Malau i save ripot i go long gavman, pablik na ol stekholda o ol patna ejensi long ol bikpela samting ol i kamapim na ol ikonomik salens we ol mas edresim yet.

Dokta Malau i tok ol dispela wok i kamap long soim olsem em i nogat samting bilong haitim long ol pipel bilong dispela kantri na larim pablik i glasim rot helt sekta bin ron aninit long menesmen bi-

long em long 4-pela yia em bin holim wok olsem helt sekreteri.

Em i tok maski PNG i gat planti salens long wanem kantri i gat ol maunten, ol nambis ples, ol ailan, ol ples i stret, planti tokples na tum-buna pasin dipatmen i lukim sampela wok kamap na ol i save mekim ol wok sekim yet long ol plen, visen na gol.

Dokta Malau i toke m i amamas long ol bikpela wok kamap long taim bilong em, tasol em i lukim olsem i gat moa wok i stap long edresim na kamapim gut helt bilong olgeta pipel bilong dispela kantri.

Em i tok wok long go hetim tripela projek long dispela yia i wok long kamap isi isi. Dispela em long go hetim Provinsel helt Atoriti, Komyuniti Helt Pos, Praimeri Helt Kea na Medikol Saplais Impruvmen.

Em i tok Go PNG i komitim K13 milion I go long Komyuniti Helt Program, taim long eria bilong medikol Saplais, 40 pe sen o klostu haf long tilim ol saplais klostu i stat.

Em i tok wok long senisim rot bilong kisim marasin saplai sistem i mas senis bikos dispela yumi bihainim nau i givim planti hevi na olsem, em i mas senis.

Ol narapela 6-pela eria em, long edresim ol ki eria we helt sekta i gat wari long ol olsem sik TB, malaria, HIV na AIDS na ol nupela sik nogut olsem kolera na ol narapela moa.

The Fastest Way to Send Money is with Post PNG

- ✓ **Convenient**
Available at all postal outlets nationwide
- ✓ **Reliable**
Full track & trace
- ✓ **Quick**
Electronic transfer
- ✓ **Cost Effective**
No extra charges

SMK

SALIM MONI KWIK

SMK allows electronic money transfers to be sent and picked up at any Post PNG location.*



* Check with Post PNG regarding available outlets

Call Toll free Tel: 180 2999
Fax: 325 8969
Email: financial.services1@postpng.com.pg
Visit: www.postpng.com.pg





**Yut, Meri na
Famili
wantaim
Lorraine
Siraba**

Wok bilong ol meri long kamapim senis

I NO longtaim i go pinis mi bin stap wantaim wanpela felosip grup bilong ol meri long wanpela setelmen long Mosbi.

Em i edukesen wok bilong ol na mipela i wok long toktok long vailens insait long komyuniti. Planti meri i wari olsem passion bilon g paitim na bagarapim meri long komyuniti i wok long go bikpela moa na i no long taim nau bai i hat long kontrolim dispela samting.

Vailens insait long famili we man i go aut na spak na kam bek na paitim na bagarapim meri bilong em i wok long go narakain nau. Ol pikinini nau i wok long dring spak, kam bek long haus na mekim nogut long ol famili bilong ol na tu, komyuniti. Tasol nogat man long ol ples na komyuniti i salensim ol lain i wokim trabel na hevi, nogat polis i stap na ol manmeri i no toktok tasol ol i bungim hevi i stap. Long dispela bung, wanpela bikpela samting we ol meri i bin toktok long mekim em ol meri long olgeta level i gat pawa long kamapim senis long ol komyuniti bilong ol.

Tru, long sosaiti, em i isi long ol meri i kisim birua bikos ol i nogat strongpela pawa olsem ol man, tasol ol i ken gat bikpela wok long kamapim gutpela senis long sosaiti long ol grasrut wok na edvokasi. Edvokesei na ektivisim e mol plen we ol i yusim long kisim pawa na skruim wok awenes long ol samting bilong kamapim sosel senis. I gat planti rot long edvokesei na sampela long ol em long stop long wok, sainim ol petisen, straik, soim no wanbel na karim ol plekad i gat ol raiting long ol, kendel lait na preia vijil.

Preia grup ya i bin wanbel olsem laitim kendel na holim preia vijil na preia sevis em i strongpela rot long kamapim senis na mi tok dispela em i tru.

Yumi harim pinis olsem preia em i gat bikpela pawa long man na meri i yusim long stretim hevi na wari bilong em.

Yumi lukim pawa bilong preia i bin kamap long Hannah long Baibel we em bin karim bel long wanpela biknem profet bilong Bikpela. Hannah i bin wanpela long ol planti meri bilong wanpela man na ol narapela meri i save kros na tok nogut long Hannah bikos em i no save karim pikinini.

Tude, yumi kolim dispela "emotional violence". Sapos em i no pre, em bai bel hat long ol meri na man bilong em na go nogut olgeta. Tasol wantaim preia, em i kam gut olgeta.

Planti meri long wol i kamapim senis long ol komyuniti na kantri bilong ol tu.

Meri i putim blekpela klos kempein i bin stat long Israel long 1987 we long olgeta Fraide, ol Jew meri i putim blekpela klos long soim sori bilong ol. Ol bin save bung long ol bisnis eria long ol bisi awa na wantaim nogat toktok, ol i sanap tasol long egensim Israel i kisim hap graun long Palestain we i no bilong em. Dispela Meri i putim Blekpela klos muvmen i kisim sapot na i stap nau long planti hap bilong graun na ol narapela meri i yusim taim ol i laik sapotim sampela samting. Wanem rot ol meri i bihainim long kamapim senis in sait lon komyuniti bilong ol, i moabeta ol i wok bung wantaim, stap na pas wantaim na ol i ken lukim kaikai bilong em.

Sampela rot ol meri i ken bihainim em, luksave long isu o samting i kamapim hevi long komyuniti. Wanem samting i kamapim hevi? Em i vailens, nogat polis, ol drag o spakbrus? Yu mas gat kliapela gol na wanem samting yu laik lukim i kamap, luksave long husat lain bai yu kamapim senis long ol olsme ol papamama, komyuniti lida, ol loa man ol yut? Kamapim mesej, wanem kain mesej bai yu yusim nay u mas save long kain rot bilong komyunikesen bai yu salim ol toktok bilong yu i go aut.

Ol dispela samting i ken helpim ol grasrut meri long kamapim ol gutpela senis olsem belgut na stap gut wantaim i kam bek long ples na ol komyuniti.

Laikim meri opis

Veronica Hatutasi i raitim

WANPELA meri lida i laikim bai i gat opis bilong ol meri we i mas stap long opis bilong praim ministra, na bai gat gutpela sapot na luksave long ol samting i karamapim ol meri na ol wok na progrem i go gut.

Bungtabu Brown, em wanpela biknem meri lida long kantri na long Is Nu Briten provins husat i wanpela long ol meri i bin stap long taim ol i kirapim ol meri ogenaisesen long stat bilong 1970's na wanpela taim, presiden bilong Nesenel Kaunsel bilong ol Meri, i tok.

"Long ol meri bilong yumi i brukim olgeta banis, yumi mas gat opis long stetus bilong ol meri na dispela opis i mas stap long opis bilong praim ministra.

"Mi no daunim poin bilong Komyuniti Developmen, tasol dispela opis bai stap olsem opis we wanpela gutpela na save meri bai go pas long en long strongim na lukim olsem ol wari, wok na samting ol meri i laikim i go long top level hariap. Na Komyuniti Developmen, Nesenel Kaunsel bilong ol Meri (NCW), ol provin-sel na distrik level meri ogenaisesen i ken kam aninit long en," Misis Brown i tok.

Misis Brown i wokim toktok long lons bilong

Meri na jenda Ikwaliit Plen 2011-2015 long Mosbi long dispela wik Mande.

Taim em i toktok long 22 Risev Sit biong ol Meri we Palamen bai wokim namba tu rit long kisim sapot long ol memba na Palamen i ken tok oraitim, Misis Brown i tok bai em i kisim taim long dispela i kisim tok orait.

Tasol em i tok wanpela bikpela samting em long yusim netwok na muvmen bilong ol meri long distrik na Lokol Level Gavman (LLG) level pastaim long gavman i ken tok oraitim dispela 22 risev sit bilong ol meri.

Long wankain taim tu, Presiden bilong NCW, Scholar Kakas o tok i mas gat mani long lukim olsem ol samting insait long dispela 5-pela yia plen i wok na ron gut.

Taim em i autim tok tenkyu i go long ol dona na developmen patna olsem ol han bilong Yunaitet Nesen i stap long PNG, AusAID na ol narapela long mani na teknikel helpim bilong ol, Mis Kakas i bin tok i mas gat fanding o mani long karimaut ol wok na awenes i go aut long ol meri long rurel komyuniti.

Em i tok bikpela sapot i mas go long putim ol meri long skul bikos "mi bilip olsem tai mol meri i skul, bai helt na laip bilong ol famili i go gut".

Purpur i gat kik, pawa na marasin

Long taim bipo yet, man i planim "Flower" o purpur long yusim olsem bilas, tasol em no bin save olsem marasin i gat pawa long daunim sik long bodi, wari, het na tingting. Long 70 krismas i go pinis tasol, bihain long wanpela dokta bilong Ingla, Edward Bach, i bin kamapim ol 38 flawa marasin long helpim strongim gutpela helt na stap, lusim wari na tingting gut na amamas na i gat balens long sait bilong helt, stap gut na tingting. Dispela ol flawa marasin em i miksim tasol ol wan wan hap purpur long hap hap mak long 50 pesen brendi (brandy) na wara miks.



**PAWA
BILONG
PURPUR:
Purpur i no
luknais tasol i
gat marasin
pawa long
stretim sik,
hevi na wari.
Foto:
Veronica
Hatutasi**

Sapos yu wanpela meri o mama bilong planim na lukautim purpur, bai yu kirap nogut olsem sampela bilong ol em yu ken yusim o kisim long stretim yu long wari na sik long bodi na tingting. I kam long "Nature & Health" Jun na Julai megesin Moa long neks wik we wanpela medikal hebalis i toktok long ol purpur marasin i stretim em long wari na sik.

GLOBE

....the perfect choice

VITAMIN ENRICHED

More Easy, More Tasty, More Healthy.





LAIBRERI NA OL BUK I BIKPELA SAMTING: Geoffrey Bundu na Karina Sereve i toktok long raun bilong ol NLS woklain long ol provins. *Poto: Veronica Hatutasi*

Nesenel Laibreri Sevis givim ol provinsel woksop trening

Veronica Hatutasi i raitim

NESENEL Laibreri Sevis (NLS) i wok long helpim ol sumatin na ol narapela manmeri long pablik long skruim save bilong ol na dispela i ken kamap taim ol sumatin na pablik i save long rit na rait.

Stat long neks wik, tupela tim o grup bilong NLS bai go aut long 4-pela provins long holim ol trening woksop na tu, sekim ol skul laibreri bilong ol skul ol i makim ol aninit long ol .

Deputi Dairekta bilong NLS na Akaivs, Geoffrey Bundu, i tok tupela grup bai go aut long tripela wik i go long Bogenvil, Sandaun, Nu Ailan na Nesenel Kapitel Distrik na holim ol trening woksop we

ol tisa ol i makim ol long ol wanwan skul bai go sindaun long woksop.

“Tripela grup bai stap aut long tripela wik long karimaut ol trening woksop long 4-pela provins. Ol woksop bai givim save long besik laibreri skil na rot long menesim ol skul laibreri long 10-pela skul ol i makim long ol wan wan provins long ol,” Mista Bundu i tok.

Aninit long Labreri projek gren mani, ol i makim K3,000 long helpim ol Elementeri level skul, Komyuniti na Praimeri level skul i ken kisim K30,000 helvim, Sekonderi skul i ken kisim K20,000 na Nesenel Hai skul level i ken kisim K30,000 manimak.

Mista Bundu na narapela sinia

laibreri opisa, em Karina Sereve, i tok ol skul we ol i makim pinis na ol i wok long kisim NLS laibreri projek gren mani long skul laibreri prejek em long Milen Be, Sentrel, Isten Hailans, Nu Ailan, Is na Wes Nu Briten na Is Sepik provins.

Long ol dispela provins, 5-pela i gat ol pablik laibreri pinis, tasol anin it long skul laibreri projek bilong NLS, ol bai makim 8-pela skul long dispela ol provins long sanapim ol pablik laibreri bilong ol.

Mista Bundu i tok ol i tagetim ol praimer skul na 10-pela skul long ol wan wan provins.

Em i tok wanpela hevi em i save kisim longpela taim long ol buk long kam.

Marape em kendidet long resis long UNESCO rijinel eksekyutiv bot

PNG NAU i wok long mekim ol wok redi long kisim sapot long Edukesen Minista, James Marape, i kisim wok long Yunaitet Nesens Edukesenel Saintifik na Kalsereel Ogenaisesen (UNESCO) eksekyutiv bot olsem sia bilong Pasifik rijen.

Dispela wok i stap nating bihain taim bilong man Fiji i holim dispela sia long 4-pela yial pinis long 2009.

Ekting Nesenel edukesne Sekreteri, Dokta Joseph Pagelio, i tok ol gavman lain ejensi wantaim tu Foren Afeas Dipatmen bai stat nau long karimaut ol wok redi we ol i tok-tok wantaim ol global diplometik netwok long kisim moa intanesenel sapot long Mista Marape i kisim sia eksekyutiv bot memba i makim Pasifik rijen long UNESCO.

Dokta Pagelio i tok 17-pela memba kantri bilong UNESCO long Pasifik rijen i pasim tok pinis long sapotim Mista Marape insait long wanpela wik bung bilong ol long Apia, Samoa, long las wik.

Pastaim long ol memba kantri long Pasifik i wanbel long sapotim Mista Marape, gavman bilong PNG i bin nomine-tim Mista Marape bikos em i Edukesen Minista na siaman bilong Nesenel Komisin bilong UNESCO long PNG.

Ileksen long makim ol nupela eksekyutiv bilong UNESCO bot bai kamap long jenerel konprens bilong ogenaisesen long Peris, Frans long mun Oktoba.

I gat 191 kantri long wol i memba long UNESCO . Wok bilong en em long promotim bel isi pasin na gutpela sindaun, kalsa, saiens na teknoloji na tu, yusim ol Infomesne Teknoloji long ol skul.

PNG i stap olsem memba bilong UNESCO long 33 kris-mas nau. Na kantri i mas kisim moa long 110 vot long Paris bung long Mista Marape i kisim Pasifik rijen sia long eksekyutiv bot. Long dispela as tasol, sapot bilong ol Pasifik kantri i bin gutpela.

Wok bilongeksekyutiv bot em long wokim ol rekomendesen o ol ripot lon g ol developmen praioriti na progrem bilong UNESCO na jenerel bung bilong ol i save tok oraitim.

PNG i olsem bikpela brata long Pasifik rijen bikos long sais bilong kantri, ikononi na ol arapela moa we i soim li-dasip bilong em long ol intanesenel agenda olsem klaimet i senis na ol narapela moa progrem long lukautim busgraun na edukesen manmeri na pikinini i mas go long skul. Na long dispela level we Mista Marape i resis long en, PNG i redi long skruim wok i go moa long Pasifik rijinel na intanesenel eria.

Ol wok redi long Nesenel Bukwik

Veronica Hatutasi i raitim

OL WOK redi i go het nau long selebretim Nesenel Bukwik na tu, Nesenel Literesi Wik long kantri.

Nesenel Bukwik na Nesenel Literesi (NBD) em i bikpela samting long Edukesen Dipatmen we olgeta skul long kantri i save mekim ol ektiviti na ol samting i sut long ol buk, rit, kwis resis na ol narapela moa long selebretim tupela bikpela de long Edukesen kalenda nsait long wanpela wik.

Olgeta yia, Edukesen Dipatmen i save selebretim Nesenel Bukwik long Ogas 1 inap long de namba 5. Het tok bilong Bukwik long dispela yia em, “Books for Lifelong Learning” o Buk i Givim Save long Nau na long Taim Bihain.

Long dispela yia, NBW lonsing selebrensen bai kamap long Simbu provins.

Bilong redi long NBD, Nesenel Laibreri hetkwota long Mosbi i wok long karimaut ol woksop na awenes trening long 4-pela provins.

Deputi Dairekta bilong Nesenel Laibreri,

OL SEMPION: Tripela lain bilong Pot Mosbi Intanesenel skul long Mosbi i kisim sempion sil long winim 2010 Nesenel Bukwik Kwis (National Book Week Quiz) resis. Wankain bai kamap gen long dispela yia long 2011 Nesenel Bukwik Kwis bai kamap long mun Ogas we ol Sekonderi na Nesenel Hai skul bai stap insait long Kwis resis. *Poto: Veronica Hatutasi*



Geoffrey Bundu i tok ol skul we ol lain bilong ol i wok long raun lukim na holim woksop bilong ol em long Is Sepik, Bulolo long Morobe provins, Sauten Hailans na Nesenel Kapitel Distrik.

Mista Bundu i tok ol bin holim pinis ol woksop long Is Sepik na Morobe long yia 2007, Sauten Hailans long 2008 na NCD long las yia, 2010.

Em i tok ol dispela wokabaut sevei na ol

woksop em ol i karimaut ol aut aninit long Skul Laibreri Asistens projeks.

Mista Bundu i tok ol skul long 4-pela provins we ol i lukim na holim ol woksop pinis em ol i wok long raun i go long glasim na sekim sapos ol i karimaut ol wok na tu, sapos ol i sanapim ol laibreri long ol skul pinis.

Mista Bundu i tok aninit long dispela projek, ol skul i baim ol buk samting em ne-

senel laibreri bai helpim ol wantaim K2,000.

Em i tok long baset bilong dispela yia, i gat gren mani we ol skul i ken aplai long kisim fanding aninit long Kina for Kina skim.

Em i tok ol skul long 4-pela provins we Nesenel Laibreri lain i holim pinis ol woksop trening, ogenaisesen, Hope Wolwaid, i bin givim ol buk i go long ol.

Daireka Jenerel bilong Nesenel Labreri na Akaivs, Jacob Hevelawa, i tok em i bikpela samting olsem aninit long ol buk, ol laibreri na rit, ol man i lainim samting olgeta taim we bai helpim ol long save long samting i kamap long kantri na long wol. Na ol manmeri i ken kisim strong long glasim na skelim ol samting na mekim ol disisen insait long sindaun, wok na laip bilong ol.

Long wankain taim, Nu Ailan provins bai lukautim lonsim o opening bilong Nesenel Literesi Wik (NLW) bai kamap long September 5 inap long de namba 9.

Inap nau, planti manmeri na ol yangpela long PNG i no save long rit na rait. Samting olsem 54 pesen tasol long ol pipel long PNG we i ken rit na rait.



Husat bai tokim mi?

NEM BILONG en em Theresa Wongos. Em i wanpela nes na i wok long wanpela jenerel haus sik. Em i bin stori long mi long planti wok eksperiens bilong em long mekim wok nes long haus sik.

Mi laik serim wanpela stori bilong em wantaim yupela.

Wanpela taim, wanpela famili i bin bringim wanpela lapun man i gat sik TB i kam long haus sik. Olsem wanpela gutpela nes i wok long fran opis, Wongos i bin helpim gut dispela lapun man.

Em i askim em long sindaun na askim sampela kwesen bilong pulamapim pepa bilong rekot bilong lapun man long helpim dokta i sekim lapun ya.. Bihain ol i putim dispela rekot long opes bilong haus sik.

Wongos i putim planti askim long lapun man olsem; wanem taim mama i karim em, hamas krismas bilong em, hamas manmeri o famili memba i gat sik TB na planti moa askim.

Wongos i bin pulamapim olgeta bekim long pepa. Wanpela las askim em i askim lapun man: "Wanem lotu bilong yu?"

Taim lapun man i harim dispela askim, em i kirap nogut tru. Tasol em i pilim amamas long harim dispela askim. Em i apim pes bilong em na lukluk strong long ai bilong nes na tok: "Pikinini, taim mi stap liklik na yangpela yet i go inap long nau, mi laik joinim lotu Katolik. Tasol i nogat wanpela man o meri i bin askim mi. Yu tasol i namba wan i askim mi".

Wongos i tokim mi olsem; "Pater, taim mi harim bekim bilong dispela lapun man, mi pilim amamas bikos mi wanpela Katolik nes. Tasol long wankain taim, mi tu pilim sem nogut tru. Bikos long dispela bekim bilong lapun man i mekim mi kirap nogut tru. Bekim bilong em i bin sutim bel bilong mi. Bikos, olsem wanpela Katolik nes, sampela taim mi sem long soim bilip bilong mi long wok ples o long ples mi stap long en".

Taim mi harim stori bilong Wongos, mi amamas tru bikos em i wanpela trupela stori. Bilong wanem planti bilong yumi i pilim sem long soim bilip long lotu bilong yumi long narapela? Olsem wanem yumi serim Gutnius bilong God long narapela manmeri?

I gat planti rot bilong serim Gutnius o bilip bilong yumi. Serim bilip bilong yumi i no long maus o toktok tasol.

Yumi stap nau long 21 senseri. Namba wan rot bilong serim bilip bilong yumi, em i bilong mekim wok bilong God i kamap laip long laip bilong yumi.

Sapos yumi mekim gutpela wok long laip bilong yumi olgeta taim, dispela wei yumi mekim Tok bilong God i kamap laip. Olgeta gutpela wok yumi mekim long em, inap long helpim narapela manmeri i luksave long God.

I gat planti manmeri long Mosbi i stap long we long lotu, i kamap lus Kristen. Pasin na wokabout bilong ol i no soim olsem ol i gat bilip moa long God. Sapos olgeta Kristen manmeri i mekim Gutnius i kamap laip, helpim narapela long luksave long God na kam bek long lotu wantaim yumi gen.

Sios wokmanmeri i mas was gut long eleksen

Eric Sinebare i raitim

OL SIOS lida na kristen manmeri i mas mekim gut wok na pasin i mas stret long go insait long wok bilong ileksen long neks yia 2012.

Evanjelikel Lutheran Sios (ELC-PNG) long Simbu, namba tu presiden em Reveren Wesley Kerenga i mekim dispela toktok long taim bilong Kundiawa Gembogl bai-ileksen.

Reveren Kerenga i tokim Wantok nius olsem planti yia bilong eleksen i kam inap nai gat planti asua.

"Wok we sios lida na sios wokmanmeri inap long mekim em ol i no mekim. Wok long ron bilong ileksen, na long toksave long ol kristen manmeri long abrusim planti pasin nogut, tasol mipela i no mekim, Reveren Kerenga i tok.

Em i tok strong olsem Lutheran Sios i mas kamaut na tok tru long ol manmeri long kisim gutpela save long ron bilong ileksen.

Na long sampela pasin bilong ileksen, olsem kisim mani long kendidet, sapotim kendidet long laik na tingting bilong ol yet na planti ol arapela pasin nogut we yumi inap long stopim na toksave long ol kristen i ken go insait long dispela pasin gen.

Tu, em i tok i no long mama sios tasol, nogat. Dispela tok i go long olgeta sios i stap long dispela graun, we yumi mas sanap stret long ai bilong manmeri givim stia, prea na putim ol long prea we God i ken makim long laik na pasin i stret.

Reveren Kerenga i tok planti taim ol sios lida i save go long kendidet long haus kempen na beten long haus, kaikai na planti wok bilong ol, na dispela i no stret.

Long wankain taim tu, sapos ileksen opis long Simbu i kam aut na tok stret long ol wok bilong ileksen, em bai ol sios manmeri bai stap insait long wok bilong ronim ilekse na planti wok bilong awenes.

Reveren Kerenga i tok moa olsem ol sios lida wok bilong yumi i bilong lainim na skulim tok bilong God long ol manmeri. Na em i tok i gat rot i stap we ol mas bihainim na ol manmeri i no ken mekim pasin i no stret we i save bringim hevi i kam long famili, komyuniti na kantri.

Em i tok ol manmeri gat rait long vot na ol i gat rait long makim tripela vot, tasol i no ken abrusim rait bilong ol i go moa.



BASKET SENIS: Ol mama long Mu seket na ol mama long Makam long Morobe i kam long Mu long wokim basket senis wantaim Mu seket.

Dispela ol tok we sios na ol NGO long Simbu nau i wok bung wantaim ilektoroe Komisin long mekim bikipela tok awenes long Simbu long dispela yia i go olgeta long neks yia 2012 ileksen.

Em tu i tok tu olsem dispela

awenes toktok long sampela pasin i save bagarapim tingting, laip na sindaun i save lukim kaikai bilong ileksen long bihainim.

Em long pasin bilong wokim haus man i mas pinis wantaim tu kukim kaikai o pati long kem-

pen, singsing tanim het go tulait, askim ol kendidet long givim mani long manmeri na givim long sios na ol grup, na tok long pait, tok bilong gan na pasin we i save mekim ples i kamap nogut i mas pinis, Reveren Kerenga i tok.



PNG POWER Ltd

PNG Power i laik toksave long ol kastoma bilong en long PNG olsem ol Easypay system bai pas long Sande Julai 3 long 6:00am i go long 5:00pm.

Dispela bai mekim ol Digicel sevis na arapela ples we ol kastoma i baim Easypay yunit na i konek i go long PNG Power Nesenel Opis bai pas. Ol kastoma i mas baim ol Easypay yunit bilong ol bipo long 6:00am long Sande Julai 3 bai ol i ken abrusim hevi long dispela taim. Sistem bai op gen long 5pm long avinun.

Ol kastoma i ken baim Easypay yunit bilong ol long dispela ol ples taim sistem i pas:

Mosbi – PNG Power nesenel opis Hohola, Nupela kastomas sevis opis bi long PNG Power long Ahuai strit (Datec kompleks), Stop "N" Shop Waigani na Badili na Vision City.

Lae – PNG Power opis, Foodmart, Andersons Foodland and Fredi's Famili Stoa.

Kokopo - Anderson's Foodland, Garden Enterprise, Vudal University na Warongoi Properties.

Madang – PNG Power opis.

Goroka – PNG Power opis na Papindo.

Mt Hagen – PNG Power opis na City Pharmacy.

Kainantu – PNG Power opis.

Yonki – PNG Power opis.

Easypay sistem bai pas long dispela taim bilong wanem ol bai rausim pawa long nesenel opis bilong PNG Power long Hohola long NCD long givim taim bilong wok long putim nupela kol win (air condition) sistem bilong opis.

PNG Power i tok sori long dispela.

Toksave i kam long PPL Corporate Relations.



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby
Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Amerika Senet i wanbel long Saina i yusim fos agensim sip bilong Vietnam

PALAMEN bilong Amerika i wanbel long wanpela tingting bilong Saina long yusim fos agensim ol sip bilong Vietnam na Filipins insait long Saut Saina Si.

Bai nogat ol askim bilong mekim ol senis long dispela resolusen na Senet i sapotim Saina long yusim fos o soim strong bilong en mekim ol dispela kantri i stap longwe long ol eria o teritori bilong narapela.

I bin gat ol ripot olsem ol sip bilong Saina i bin wok pusim ol wel ekspresen bot bilong Vietnam na Filipins i komplek olsem ol i bin bamim ol sip bilong ol. Long Sande i go pinis, Saina na Vietnam i bin toktok long stretim ol tingting kros bilong tupela long ol solwara mak bilong tupela long ol stretpela we.

Dispela Senet resolusen i go insait wantaim kirap bilong wanpela bung nevi ekse-sais namel long Filipins na US Nevi dispela wik.

Tupela wantaim i tok, em i no tru olsem dispela join nevi ekse-sais i nogat ol samting long mekim wantaim dispela birua insait long Saut Saina Si.

Amerika i rausim nem bilong Filipins, Singapo, na Laos olsem birua bilong lukaut

AMERIKA i bin rausim nem bilong Filipins, Singapo na Laos long was lis bilong ol lain i save haitim na salim ol manmeri.

Insait long Person's ripot bilong annual Trafficking bilong Stet Dipatmen Ripot, despela ol tripela kantri ol i save kolim Tier 2.

Em i min olsem bipo ol i no bihainim olgeta loa bilong human trafficking, tasol nau, ol i wok long traim bihainim. Brunei, Malaysia (Malesia), Thailand (Tailen) na Vietnam i stap yet long was lis.

Australia palamen sekreteri bilong Pasifik Ailans i tok asailum toktok i go het yet

AUSTRALIA Palamen Sekreteri bilong Pasifik Ailans Afes, Richard Marles, i tok ol toktok wantaim PNG long ol asailum sika i wok long go het yet, maski praim ministra Sir Michael Somare bai lusim wok.

Australia i laik prosesim ol asailum sika pepa wok antap long PNG Manus Ailand Ditensen Senta.

Olpela foren ministra ol i bin rausim i no long taim i go pinis, i tok Ekting Praim Minista Sam Abal i no kamapim tingting yet long sapos em i sapotim dispela dil wantaim Australia, o nogat.

Australia i laik opim gen Manus Ailand ditensen senta bilong rereim ol pepa wok bilong ol asailum sika.

Palamen Sekreteri Marles i tok, dispela dil i stap yet.

Solomon Ailans i bin ofa long lukautim

Lukluk raun



Praim Minista bilong Australia, Julia Gillard, i bin lukluk raun dispela wik long ples Darwin long Not Kwinnsen. Em i raun i go lukim wanpela supa klinik we ol praivet dokta i kirapim long Australia, long givim mobeta helt sevis long ol pipel.

wanpela asailum sika ditensen senta, tasol Mista Marles i tok, em bai noken toktok long dispela, taim em i go lukluk raun long Solomon Ailans long dispela wik.

Wanpela bikpela kotkes agensim olpela lida bilong Khmer Rouge i stat pinis

WANPELA wok painim ol lain bilong Yunaitet Nesens (United Nations) i go pas long en long Cambodia bilong painim aut long dai bilong planti milian pipel bilong dispela kantri i stat pinis long Phnom Penh agensim ol olpela sinia memba bilong Kume Rus (Khmer Rouge). Klostu long tu milian pipel i bin dai long hangere, ol kain kain sik na ol i hangamapim ol nabaut aninit long fopela yia administresen olpela Kume Rus gavman namel long 1975 na 1979. Foapela long ol difenden, i kamap pinis, na ol i ting kot kes bilong ol bai stap inap long fopela de.

Olgeta dispela lain ol i lapun na ol i gat sik.

Ol dispela lain em ol long namba tu lida bilong let Pol Pot, Nuon Chea, het ov stet, Khieu Samphan, Deputi Praim Minista leng Sary, na meri bilong em leng Thirith. Ol i ting olsem ol dispela foapela i bin go pas long ol plen o tingting, na ol i wok long fesim ol sas bilong jenosit, o kalapim ol plen, kraims agensim humeniti na ol woa kraim.

Ol i tok dispela em i wanpela bikpela kes tru bilong woa kraims, stat yet long Nuremburg, tasol i gat tingting wari olsem sampela bilong ol dispela difenden ating bai dai pastaim long ol i pinisim ol wok painim.

Olgeta ol dispela difenden i bin tokaut – olsem ol i bin wokim wanpela rong.

Wanpela strongpela raun win i kilim pipel na kamapim ol haiwara long Saut Korea

WANPELA strongpela raunwin o taifun i bin ron i ka mi go long weskos bilong Saut Korea, na kilim indai samting olsem 9-pela pipel na tripela narapela i wok long lus yet.

Taifun Meari i bin kamapim ol bikpela ren na bikpela ol haiwara.

Dispela i bin mekim na ol i bin pasim ron bilong planti ol balus insait long Saut Korea long Sanden a ol i bin givim oda long ol sip long i noken ron.

Ol atoriti long hap i tok, ron bilong ol intanesenel balus bai orait yet.

Ol i ting dispela taifun bai go kamap long bikples long Not Korea.

Ol bikpela balus kampani no redi long flai i go long Nu Silan

OL BIKPELA balus kampani bilong Australia i no pasim tingting yet long sampela ol ron bilong balus i go long Nu Silan bai stat long Mande.

Das bilong maunten paia i stap antap long sauten osen i fosim Qantas, Jetstar na Virgin i kanselim olgeta ron bilong balus i go long Nu Silan.

Air New Zealand i go het long flai na das i no givim hevi long ron bilong ol balus insait yet long Australia.

Volkenik Es Advaisori Senta i was long dispela das bilong toksave gut i go long ol balus kampani.

Oposisen bilong Australia i stap long not bilong kantri

AUSTRALIA Oposisen Lida, Tony Abbott i stap long not bilong Australia bilong lukim wane mol hevi na samting i

kamap bihainim laip kau eksport i go long Indonesia.

Mista Abbot i raun lukim Newcastle Waters Stesen, samting olsem 700 kilomita saut long Darwin.

Ol i lukautim 100 tausen ketol, o bulmakau long dispela stesen, em ol i lukautim bilong Indonesia Laip Eksport maket.

Ol i bin kisim Mista Abbott i go long ol ketol yat bilong dispela stesen na i bin lukim wane mol samting i bin kamap long stesen.

Dispela tambu i mekim ol lukautim ol bulmakau long olgeta hap bilong noten Australia long tripela wik i go pinis. Menesa bilong Stesen Angus Mitchell, i tok ol politisen long Kanbera i no save na klia long hevi tambu long salim kau mit i givim long indastri long Australia. Em i tok, praim minista i mas raun i go long dispela stesen bihainim raun bilong Mista Abbott.

Fiji polis arestim Rocco Leo

FIJI polis i holim pinis kalt lida Rocco Lea, husat i bin stap hait long wanpela olpela risot, klostu long Suva. Esther Thorn i ripot olsem, ol i arestim het bilong Agape Ministris of God Sios, Rocco Leo, gelpren na brata bilong em long Pasifik Haba klostu long Fiji kapitela. Ditektiv Tomasi Kororua i bin go pas long investigesen.

Em i tok, wanpela tim bilong ol opisa i bin go kamap long dispela ples hait long wanpela bot, na Rocco Leo i bin traim long ronawe.

Saut Australia polis i bin wok long painim Leo stat long mun Me bilong yia i go pinis, taim ol opisa i bin redim sampela sios ples long Adelaide na i bin painim ol gan na katres.

Long nau, Fiji Imigresen i opisali sasim em long em i abrusim taim bilong em long visa bilong em.

Ol bai sasim em long 126 kaun bilong frod, sapos ol i salim em i go bek long Australia.

Ol i arestim ol Malesia oposisen pipel long politiks

OL I arestim pinis ol pipel i sapotim Malesia Oposisen pastaim long bikpela bung na mas em ol i plen long soim laik bilong ol long mekim ol senis long ileksen o ilektoral rifom.

Mausman bilong Social Party bilong Malesia i tok, polis i arestim i go nap long 80 pipel long wik i go pinis, na 31 i stap yet long rum gat.

Kempen bilong Oposisen i wok long askim long pinis bilong faipela ten yia rul bilong Barisan Nasinal, na ol pipel i no laikim dispela i bin wok long askim long wanpela bikpela bung na mas long Julai 9.

Polis na ol gavman lida i givim tok lukaut i go long ol pipel long promotim mas, em ol i tok bai brukim loa long wanem polis i no givim tok orait long en.



Sia bilong Praim Minista bai paol

HUSAT tru bai kamap Praim Minista bilong Papua Niugini nau? Yumi harim pinis olsem Somare i no inap holim dispela wok moa bikos long bikpela sik em bungim na stap yet long haus sik long Singapore (Singapo).

Famili bilong em i kamapim tingting pinis olsem papa bilong ol na lida bilong Papua Niugini i mas lusim wok politiks nau bihain long klostu 50 krismas long wok politiks na krismas bilong em i sanap nau olsem 75.

Tru tumas ol lida long Hailans i bruk pinis namel long Ekting Praim Minista Sam Abal na memba bilong Kendep Don Polye. Nesenel Alaiens (NA) pati husat i go pas long Gavman tete i gat dispela bruk i stap namel long ol Hailans lida nau. Tasol aninit long lo bilong pati, Don Polye em lida bilong pati makim Hailans rijon, i no Sam Abal. Em nau bai NA i brukim lo bilong pati sapos ol sanapim Sam Abal olsem Praim Minista bikos Praim



Minista em mas pati lida.

Long Momase em yumi lukim Patrick Pruaitch i snap klia long holim dispela wok bilong Praim Minista bikos em pati lida bilong Momase rijon. Niugini Ailan rijon na Sauten rijon em nogat man i sanap klia long holim dispela wok. Olsem na tupela rijon ya inap givim sapot long Patrick Pruaitch o Don Polye long kamap Praim Minista. Em samting bilong Nesenel Alaiens pati long stretim nau.

Narapela bikpela pati nau long Gavman em Yunaitet Riso Pati (URP) we memba bilong Hagen William Duma i pati lida long en. Ol ken askim NA long holim dispela sia bilong Praim Minista tasol i luk olsem em sia bilong NA na ol bai strong long holim yet. Dispela nau i givim spes long Oposisen long singau-

tim ol Gavman memba husat hangamap nating long bak-sait long go joinim ol na kamapim nupela Gavman long mun Ogas taim Palamen i bung gen. Oposisen i mekim dispela singaut pinis long dispela wik long ol Gavman lain long go joinim ol. Nau dispela nius bilong Praim Minista Sir Michael Somare i risain i opim dispela dua nau long ol Gavman memba long skelim na mekim.

Kantri nau i mas gat lida husat ken holim strong kantri na ol pipel wantaim. Wankain tu kantri mas gat strongpela lida husat inap holim ol bikpela bikpela projek bai divelopmen nau i wok long kamap long kantri. Nogut bai ol ovasis bisnis na kampani husat i go pas long ol dispela bikpela projek olsem LNG na ol bikpela maining na timba projek insait long kantri i pundaun.

Oposisen tasol i gat ol dispela eksperiens lida husat save long holim kantri na

Gavman wantaim i stap. Ol lida olsem Sir Julius Chan, Sir Mekere Morauta, Sir Puka Temu na Dokta Bob Danaya.

Em i tru Somare i skulim pinis planti yangpela lida long Gavman sait long kamap na holim olbikpela wok bilong ranim kantri. Tasol long tingting na lukluk bilong ol pipel bilong Papua Niugini, yu ting ol gat wanbel long planti bilong ol dispela yangpela lida o nogat?

Ating wanpela yangpela lida tasol long Gavman sait ol pipel wok long lukluk na putim was long em em Sam Abal. Narapela lida gen em Gavana bilong NCD Powes Parkop na Gavana bilong Is Nu Briten provins Leo Dion.

NA i gat bikpela wok long stretim em yet nau hariap long makim nupela Praim Minista bilong kantri. Sapos dispela bruk long Hailans i stap yet, sore tumas, NA bai pundaun stret long 2012 nesanel ileksen. Bikos papa Somare i no inap wokabout moa wantaim ol long dispela taim.



KOMENTRI

Luksave na biknem bilong husat?

OLGETA taim wanpela biknem man o lida i save lusim sia o wok bilong em, bai yumi long PNG i mas pait strong tru long traim senisim em wantaim yumi yet, o wantaim wanpela manmeri we yumi save yumi ken sti-aim em bai em i bihainim laik bilong yumi yet.

Nau famili bilong Se Michael Somare i tokaut pinis olsem ol i no ting Se Michael bai kam bek long wok politiks gen.

Tenpela wik i lus pinis bihain long kantri i kisim wanpela toksave long helt sindaun bilong Se Michael.

Insait long dispela tenpela wik, planti tokwin i raun long dai bilong em, na planti kain tingting i kamap long sindaun na kam bek bilong em.

Las wik Fonde, taim Arthur Somare i bin toktok long media namba wan taim, em i tokaut olsem ol i wetim tasol toksave i kam long ol lain dokta long haus sik long Singapo.

Long Tunde dispela wik, Arthur i tokaut stret olsem famili yet i no laik bai Se Michael i kam bek long wok politiks.

Long inapim biknem Se Michael i gat long wok politiks bilong kantri, i mobeta ol pipel i harim stret tru tru sindaun bilong em.

Sapos famili i mekim dispela toksave, na sapos Arthur yet i tokaut stret olsem em i no lukim o toktok wantaim papa bilong em longpela taim nau, em i min olsem papa bilong em i no inap long toktok.

Em i taim nau bilong lukluk bek long olgeta wok kamap bilong Se Michael?

Na watpo na em i kalapim ol ples klostu olsem Australia long kisim medikal halivim?

Wanem ol bekim bilong ol dispela askim, em yumi no inap save yet. Insait long ol wik i kam, nogut bai yumi painimaut gut.

Nau yet, lukluk bilong kantri, na moa yet, ol lain long politiks, i pas strong long husat bai senisim Se Michael olsem PM.

Wanpela bikpela samting mipela i laikim, em long ol lida bilong yumi i mas bihainim stret olgeta stia bilong loa we i stap long bosim dispela wok na painim nupela praim minista.

Luksave na biknem, i noken go long lida i laikim sia bilong praim minista bilong lukautim sindaun bilong em yet. Nogat.

Luksave na biknem, i mas go long man husat i gat bel tru bilong ol pipel bilong yumi.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Portion 445, Kanage Street, Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Program bilong Wanwan De

De - Mande - Fraide

6am - 10am - Sankamap show - Host: Kas.T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wanpela singsing blong bifo.
 6:30am - Nius Hetlains
 6:45am - Bonde grins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction - niupela singsing
 7:30am - Tok Pilai - stori blong putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona blong yu
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains blong Belo Taim - Laik blong yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwas na dedikesen
 12:15pm - Komuniti Notis Bod
 12:20pm - BELO Pack - Belo taim rekwas na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwas na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
 3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - Nius - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skelim lokal musik 6pm - 7pm
 - NAIT BEAT - Host: Vaviessie
 6:00pm - MAJOR NIUS BULLETIN - YUMIFM Nius Senta
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
 Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm Nius - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitz
 1pm - 2pm - Sarere Belo Taim Dedikesen
 2:00pm Nius - YUMIFM Nius Senta
 2pm - 6pm - Sarere Avinun Cruz
 6:00pm Nius - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
 Wiken - Sandei
 6am - 10am - Wiken Sanrais / Sandei Monin wokabout Musik
 10am - 12noon - Monin Treks
 12noon Nius - YUMIFM Nius Senta
 12 - 2pm - Sandei Belo Taim Music
 2:00pm Nius - YUMIFM Nius Senta
 2pm - 6pm - Sandei Avinun Draiv Music
 6pm - Nius - YUMIFM Nius Senta
 6pm - 8pm - GOSPEL REKWES AUA
 8pm - 00:00am - Late Nait Cruz - Poroman Aua
 00:00am - 6am - Brukim Tulait Show
 Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Wantok
 8.15PM Musik/Spots
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Redio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...

Winim Flut em bun bilong Polis Meri

Nicky Bernard i raitim

POLIS ben bilong yumi Papua Niugini save pulim iau bilong yumi planti, taim ol i mas o ol sindaun na pilaim ol musik na yumi bai no inap sindaun o sanap gut, yumi bai ronim na painim wanem em ol stap long en. Long bipo, yumi save lukim ol lapun man save strongim win bilong ol long winim flut, seksafon, trampet na sampela moa, na han bilong ol

long paitim bes dram na ol liklik dram. Dispela ol lapun save putim nem bilong yumi Papua Niugini long wol map tai mol save go long ovasis long pilai, ol tu save putim ai na iau bilong ol wait manmeri long dispela taim. Long yia i go pinis, polis ben bilong yumi i kisim sampela ol yangpela long pilai long ben long karim yet nem bi-long yumi Papua Niugini. Wantok Niuspepa i

bung wanpela yangpela meri husat em save pilai long ben, dispela yangpela meri save winim flut wantaim ol narapela. Provesen Konstobol Hazel Naomi Pala, i bin join ben klostu tupela yia nau na em save amamas stret long wok bilong em olsem polis meri na tu olsem em save pilai long ben na winim flut. Em tok, em save laikim taim ol mas na pilaim musik wantaim, dispela em ol save pilai bikpela

we olgeta manmeri na pikinini bai harim, taim ol pilai long wanpela liklik hap, ol save pilai isi inap long ol dispela lain tasol i harim.

Wantok Niuspepa bai painim gut stori bilong Hazel Naomi Pala na bai putim long laipstail stori bilong em long sampela wik i kam bhain.



Wanpela yangpela meri i stap insait long polis ben i soim stail long winim flut

93FM YUMIFM National Weekly Hit Parade:

Produced & Host by: Kasty

Statistics: Talaigu Sophie & Poroman Crew

Week Ending: Saturday - 18th June 2011

Week Before	Last Week	This Week	Charting Song:	Artist:
2	1	1	Solwara meri	Taina G & Sharzy
1(7)	2	2	Meri Morobe	Logic Crew
3	3	3	All my life	DMP
4	4	4	Empty Promise	Snippers Band ft DJ AAR
5	5	5	Isa noqu Lewa	Paeva ft Blackblack
6	6	6	Dreaming Girl	Backyards of Yangoru
7	7	7	Meng	Uksobat Band
8	8	8(5)	MB Lewa	Silahakakaku
0	20	9	Meri Kopex	Raiwat
9	9	10	Queen of Karanas	Jnr Tasins
15	15	11	Magic Mirror	Kali Mahn
18	14	12	I tempo tamba ya	Samson Sala
11	11	13	Girl you	Jokema ft Ugly B & Fat G
10	10(4)	14	Save stap long yu	Murphy
12(8)	13	15	Dance with you	Idea.TT
20	16	16	Kari Waita	Sompulu Sango
17	17	17	Jamace	Seths Mahn ft Eljay
18	18	18	Parasite Angel	Texas Allen ft Larry Ori
13	14	19	Please Call	Original Ex Vevili Jnr
19	19	20	PS Kantri	Backyards of Yangoru ft Simon Kasap
			Song In:	Nil
			Song Out:	Nil

EMTV Television Guide

FONDE, JUN30 2011

5.00AM G JOYCE MEYER Religious Program
 5.30AM G TODAY DEPARTMENT OF EDUCATION CLASS-ROOM BROADCAST
 9.20 - 10AM Grade 7 Mathematics
 9.10 - 10.50AM Grade 7 Science
 11 - 11.40AM Grade 8 Mathematics
 11.50 - 12.30PM Grade 8 Science
 12.40 - 1.20PM Grade 6 Mathematics
 1.30 - 2.10PM Grade 6 Science
 2.59PM STATION OPEN
KIDS KONA
 3.00PM G MAGICAL TALES
 3.30PM G HI-5
 4.00PM G THE PYRAMID
 4.30PM G THE SHAK
 5.00PM G KITCHEN WHIZ
 5.29PM G EMTV NEWS UPDATE
 5.30PM G MILLIONAIRE HOT SEAT
 6:00PM G NATIONAL EMTV NEWS
 6.30PM G A CURRENT AFFAIR

7.00PM G SPORTS SCENE (2011 Return)
 7.30PM PG RAIT MUSIK
 7.27PM G EMTV TOK SAVE
 8.00PM G RAIT MUSIK (special time)
 9.00PM PG ELITE MUSIC ZONE (special time)
 9.30PM M FOOTY SHOW
 10.30PM G NEWS REPLAY
 11.00PM AUSTRALIA NETWORK

FRAIDE, JULAI 1 2011

5.00AM G JOYCE MEYER Religious Program
 5.30AM G TODAY DEPARTMENT OF EDUCATION CLASS-ROOM BROADCAST
 9.20 - 10AM Grade 7 Mathematics
 9.10 - 10.50AM Grade 7 Science
 11 - 11.40AM Grade 8 Mathematics
 11.50 - 12.30PM Grade 8 Science
 12.40 - 1.20PM Grade 6 Mathematics
 1.30 - 2.10PM Grade 6 Science

2.59PM STATION OPEN
KIDS KONA
 3.00PM HI-5
 3.30PM PYRAMID
 4.00PM THE SHAK
 4.30PM KITCHEN WHIZ
 5.29PM G EMTV NEWS UPDATE
 5.30PM G MILLIONAIRE HOT SEAT
 5.55PM G CRIME STOPPERS
 6:00PM G NATIONAL EMTV NEWS
 6.30PM G A CURRENT AFFAIR
 7.00PM G IN MORESBY TONIGHT
 7.30PM G FRIDAY NIGHT FOOTBALL (LIVE)
EELS vs BRONCOS @ Parramatta Stadium
 10.40PM G EMTV NEWS REPLAY
 11.00PM G PELE: THE KING OF FOOTBALL
 12.20PM AUSTRALIA NETWORK

SARERE, JULAI 2 2010

2.00PM G MOBIL 1 THE GRID

Mobil 1 The Grid offers exclusive, in-depth features, personality profiles and the latest news from leading motor sports circuits around the globe.

5.00PM G MOBIL 1 THE GRID
 Mobil 1 The Grid offers exclusive, in-depth features, personality profiles and the latest news from leading motor-sports circuits around the globe.

5.30PM G IN MORESBY TONIGHT
 All the latest in entertainment and arts around Port Moresby, and PNG, with a special feature segments, a weekly studio guest and a weekly highlights of what's on your screen.
 6.00PM G EMTV NATIONAL NEWS
 6.30PM PG AUSTRALIA'S FUNNIEST HOME VIDEO SHOW
 7.40PM G SUPER RUGBY (LIVE) 1ST Semi Final
 REDS vs. BLUES
 Venue: Suncorp Stadium, Brisbane.
 9.40PM M ARMY WIVES
 10.30PM M ARMY WIVES

11.00PM PG ELITE MUSIC ZONE
 11.30PM G NATIONAL EMTV NEWS REPLAY
 12.00AM AUSTRALIA NETWORK

SANDE, JULAI 3 2011

6.29AM STATION OPEN
 6.30AM G IT IS WRITTEN
 7.00AM G HILLSONG
 7.30AM G SUPER RUGBY SEMI FINAL #2
 STORMERS vs. CRUSADERS
 Venue: Cape Town, South Africa.
 9.30AM G SUPER LEAGUE WARRINGTON v ST. HELEN
 9.30AM...AUSTRALIA NETWORK.....
 1.00PM G WWORLD OF SPORTS
 2.00PM PG SUNDAY ROAST
 2.30PM G MOBIL 1 THE GRID
 4.00PM G SUNDAY FOOTBALL DRAGONS v KNIGHTS @ WIN Stadium.
 6.00PM G NATIONAL EMTV NEWS
 6.30PM PG CUSTOMS

TORO



BIABIA



KANAGE



TOKWIN

Sori tru Chif...

Sori tru Chif long yu ritaia na malolo. Tasol nau em taim tru long yu malolo bikos yu sik tru. Mipela olgeta pipel i wanbel tru long yu ritaia na malolo bikos yu man tru yu winim 50 yias long wok politiks na em i longpela taim tru.

Toktok long Mobail na kirap nogut

Sampela lain save toktok long mobail nay u kirap nogutim ol, ol bai tromoi sampela toktok na ol lain long narapela sait tu bai paul long wanem toktok ol tok.

Wanpela bikman i wok long toktok long mobail fon taim ol ron long hai wei rot long nait, taim em toktok yet long poro bilong em long narapela sait, sem taim lait bilong kar i kisim wanpela snek i krol long rot ai bilong em lukim tasol na em bik maus na tok bikipela snek ya, poro bilong em long hap sait i askim snek long wanem hap.

Turagu, bikman isi tasol tokim poro bilong em olsem em rot long hai wei go long Tapini na em lukim snek na em toktok stap. Wanbel Stap.

Grid for crossword puzzle Painim ol nem bilong ol dispela kantri:

Table listing countries: JAPAN, JEMANI, JODAN, KANADA, KUBA, KRIT, KUK AILAN, LIBIA, MALAYA, MEKSIKO, NAUIJIRA, NORWE, NU SILAN, POLAN, POTUGAL, SKOTLAN, NU KALDONIA, RASIA, SAINA, SAIRE, SAIPRAS, PALESTAIN, SIRIA, SPEN, SWISELAN, TEKI, WELS, SEKOSLOVAKIA

Grid for Ansa bilong las wik Sudoku

Grid for Ansa bilong las wik Sudoku

Ansa bilong las wik Sudoku

Grid for Ansa bilong las wik Pasol

Ansa bilong las wik Pasol

EMTV Television Guide

Damien Walsh-Howling presents Customs. There will be more drug traffickers, people smugglers and international terrorists all caught red-handed by customs officers. 7.00PM RBT In this groundbreaking series, follow the police units for a unique behind-the-scenes look at RBT patrols testing for alcohol and drug affected drivers. 7.30PM G 60 MINUTES 8.30PM M SUNDAY NIGHT MOVIE: THE CONSPIRACY (2008) After the shooting of the first female US President by a sniper during her Veterans Day speech, her assassin narrowly escapes the scene and national security hot on his heels - or so it seems. Three months later, discovery of the body of a wounded man in a tree, wearing a parachute. The young man (Dorff) cannot remember his own identity. The only clue is a tattoo on his neck, "XIII". On the run, clinging to one desperate clue after another, XIII begins to piece back his life,

fragments of his memory returning. Finally captured, he learns that he has been given a stolen identity and placed undercover to flush out a group of conspirators threatening to overthrow the government. Stars: Stephen Dorff, Caterina Murino and Greg Bryk.

10.30PM G HILLSONG 11.00PM G NATIONAL EMTV NEWS REPLAY 11.30PM AUSTRALIA NETWORK

MANDE, JULAI 4 2011

5.00AM G JOYCE MEYER Religious Program 5.30AM G TODAY 9.00AM EASMAST 2.59PM STATION OPEN KIDS KONA 3.00PM G MAGICAL TALES 3.30PM G HI-5 4.00PM G THE PYRAMID 4.30PM G THE SHAK

5.00PM G KITCHEN WHIZ (NEW 5.29PM G EMTV NEWS UPDATE 5.30PM G MILLIONAIRE HOT SEAT 6:00PM G NATIONAL EMTV NEWS 7.00PM G TOK PIKSA 7.27PM EMTV TOK SAVE 7.30PM G MONDAY NIGHT FOOTBALL: ROOSTERS v RAIDERS 9.30PM G SUPER RUGBY 10.00PM G A CURRENT AFFAIR 11.00PM PG ADVOCATE OF CHANGE 11.30PM AUSTRALIA NETWORK

TUNDE, JULAI 5 2011

5.00AM G JOYCE MEYER Religious program 5.30AM G TODAY 9.00AM 11.00AM G AUSTRALIA NETWORK KIDS KONA 3.00PM G MAGICAL TALES 3.30PM G HI-5 4.00PM G THE PYRAMID

4.30PM G THE SHAK 5.29PM G EMTV NEWS UPDATE 5.30PM G MILLIONAIRE HOT SEAT 6:00PM G NATIONAL EMTV NEWS 6.30PM G A CURRENT AFFAIR 7.00PM G HAUS & HOME 7.57PM EMTV TOK SAVE 8.00PM G JOSEPH KINGAL MINISTRIES Religious Program 8.30PM G PORTRAIT OF A NATION 9.00PM G A CURRENT AFFAIR 9.30PM G SUPER LEAGUE: (teams: tba) 11.30PM G EMTV NEWS REPLAY 12.30PM AUSTRALIA NETWORK

TRINDE, JULAI 6, 2011

5.00AM G JOYCE MEYER Religious Program 5.30AM G TODAY 9.00AM EMTV PRIME TIME LINE UP 9.20AM G DEPARTMENT OF

EDUCATION CLASSROOM BROADCAST 2.59PM STATION OPEN KIDS KONA 4.57PM EMTV TOK SAVE 5.00PM G MILLIONAIRE HOT SEAT 5.55PM G CRIME STOPPERS 6:00PM G NATIONAL EMTV NEWS 7.00PM PG CURRENT AFFAIRS 7.30PM G STATE OF ORIGIN III QLD v NSW Venue: Suncorp Stadium

9.45PM PG WEDNESDAY NIGHT MOVIE: (TBA) 11.45PM G NATIONAL EMTV NEWS REPLAY 1.00AM AUSTRALIA NETWORK

Ol Program na Kilok i ken senis oltaim...



Painim wara

TUHAT: Ol lain pipel long kantri Frans i bungim bikpela taim bilong san na ples i hat olgeta. Ol i wok long go aut na painim ples bilong kolim skin. Planti i go sindaun na tromoi lek i go insait long ol bikpela ples raunwara insait long siti Paris.



Kolim skin

EM NAU: Taim bilong bikpela san long Frans i lukim ol manmeri i no isi long go long nambis na waswas long solwara. Dispela tupela meri i tuhat nogut tru, na tupela i go kolim skin aninit long ol ples waswas long nambis.



Pait bilong ol protesta

BUNG: Ol protesta bilong ples Athens long kantri Gris, i save pinis long strong bilong ol polisman. Dispela wanpela protesta i werim wanpela mask bilong banis agensim tia ges o ges nogut. Ol man i protes long wanpela 48 awa jeneral straik, na pait i bruk namel long ol na ol polisman.

Snaipa man hait na stap

REDI: Wanpela snaipa o man i save gut tru long hait na sut long gan, i kisim posisen bilong em long wanpela wok traim long anti terorism na disasta privensen ekksesais long Bali, New Taipei siti long Taiwan. Moa long 1,200 manmeri long ami, paia dipatmen, nuklia pawa wokmanmeri, na polis dipatmen i stap insait long dispela sefti wok redi.



Raun wantaim Kanage olgeta wik

MAKET TAKIS MAN...

Kanage giaman olsem em wanpela wokman bilong NCDC na go kolektiv ol K2 takis mani bilong maket. Em i go long pis maket na askim ol meri Papua long k2 takis mani. Wanpela traipela mama bilong Fisamen Ailan save olsem Kanage em giaman na stilim mani i stap, em kisim traipela mama bilong pis na brukim het bilong Kanage. Kanage em kisim taim stret na tek-off!!!



NEM: Ludwig Hesai
KRISMAS: 21 (man)
ADRES: Kilipau village, P.O. Box 96, Vanimo, Sandaun Provins
SAVE LAIKIM: Senisim Presen, pilai soka, harim musik na raitim pas.

NEM: Benjamin A. Wep
KRISMAS: 20 (man)
ADRES: Kilipau Village, P.O Box 96, Vanimo, Sandaun Provins
SAVE LAIKIM: Pilai soka, voli bol, senisim presen na painim wanpela meri long maritim.

NEM: Patrick Gisiye
KRISMAS: 20 (man)
ADRES: New Century Wholesale, P.O.Box 218, Kiunga Western Provins
SAVE LAIKIM: Pilai soka, mekim pren, raitim pas, go lotu na senisim presen.

NEM: Benuel Kapamai
KRISMAS: 18 (man)
ADRES: P.O. Box 2901, Lae
SAVE LAIKIM: Pilai soka, volibol, pilai gita, harim musik, ritim buk na go lotu

NEM: Bairy Wou
KRISMAS: 20 (man)
ADRES: Kilipau Village, PO Box 96, Vanimo Sandaun Provins
SAVE LAIKIM: Raitim pas, senisim presen, pilai soka, volibol na painim wanpela meri long maritim.

NEM: Benny Wagu
KRISMAS: 18 (man)
ADRES: Kilipau Village, P.O.Box 96 Vanimo Sandaun Provins
SAVE LAIKIM: Senisim presen, raitim pas, pilai soka, volibol na harim musik

NEM: Terence Mathew
KRISMAS: 16 (man)
ADRES: Ohu Primary School, PO Box 169, Madang511, Madang Provins
SAVE LAIKIM: Go skul, harim musik, go Lotu, raitim pas na mekim pren

NEM: Tenny Paul
KRISMAS: 19 (man)
ADRES: Komabea Primary school, PO Box 220, Kerema, Gulf Provins
SAVE LAIKIM: Pilai spot olsem volibol, soka na basketbol, harim musik, ritim niuspepa na wok

NEM: Jamie Awe
KRISMAS: 29 (man)
ADRES: C/Hargy Oil Palms, PO Box 21 Bialla, West New Britain Provins
SAVE LAIKIM: Lukim rugby, mekim poroman wantaim ol arapela na painim wanpela lotu meri bilong maritim

NEM: Atasing Bafike
KRISMAS: 27 (man)
ADRES: Bumbum Primary School, PO Box 4588, Morobe Provins
SAVE LAIKIM: Harim musik, pilai soka, watsim TV na pilai kompyuta gem

Boipren i bikhet long mi

Dia Laipain

Mi wanpela sumatin meri i gat 19 krismas na wokim Gret 12 long Sekonderi skul. Mi gat boipren pinis we mitupela i bin bung taim mipela i wokim Gret 3. Bikos long skul, mi nau stap long narapela provins.

Taim mi skul i stap long narapela provins, kasen susa bilong mi i tokim mi olsem em i raun wantaim boipren bilong mi. Mi wari na sori nogut tru taim mi harim dispela nius. Taim mi go long Krismas malolo, mi askim boipren na em i tok dispela nius em i tru. Taim em i toktok, em i lukluk stret long ai bilong mi na em i tok mi olsem mi namba wan lewa bilong em stret na oltaim bai mi stap olsem gel bilong em.

Long mi tu, em i namba wan boipren mi gat na em tu i bin katim lewa bilong mi. Na mitupela i bin promis olsem bai mitupela i marit taim mipela i pinisim skul. Kasen bilong mi i tokim mi long lusim em tasol mi painim hat long lusim tingting long em, maski em bin tok em bin raun wantaim kasen susa bilong mi.


Plis helpim mi.

Undecided Lover

Dia Pren

TENKYU long serim wari bilong yu wantaim mipela. Mipela i sori long ritim stori bilong yu na mipela i luksave long no amamas bilong yu wantaim longpela taim boipren bilong yu.

Pren, mipela i save kisim ol wankain pas long planti meri wantaim dispela kain wari. Mipela i luksave olsem bikos yutupela i poroman longpela taim, em i no isi long luksave olsem em i wok long



lukim narapela meri. Na i no narapela meri tasol kasen susa bilong yu.

Yu wok long painim hat long lusim em bikos olsem yu tok, em i namba wan boipren bilong yu. Na yutupela i bin tok promis long marit bihain long yutupela i pinisim skul. Yu pilim olsem wanem nau long dispela promis bihain long man i wokim bikhet pasin long yu. Hau bai yu save olsem em bai em ino inap mekim ol bikhet pasin gen? Lukim yu long ai na tokim yu olsem yu namba wan lewai mas noken mekim yu bilip olsem em i gat bikpela laik na long wankain taim, em i no stretim asua bilong em. Bai yu trastim em yet gen?

Yu tok tu olsem em i namba wan boipren yu laikim tumas na em i namba wan lewa bilong yu. Yu ting em i wokim trupela toktok taim em i tok em i gat laik long yu tasol lukim narapela husat i kasen bilong yu?

Pren, yu klia long wanem em trupela lav o laik pasin? Lav em maski wanem samting, yu mas pas wantaim na mekim gut long narapela husat yu pren wantaim. Lav i min olsem yu no tingim yu yet bikos yu tingim patna bilong yu moa yet long yu yet. Hia em tupela wod yu mas sekim na save long mining bilong ol. Em long "Lust" na "Infatuation".

Ol papamama bilong yu i olsem wanem, ol i tok orait long yu i gat boipren? Mipela i laikim yu mas tingting strong long skul bilong yu.

Ating dispela i kamap long mekim yu tingting long prensip bilong yu wantaim manki ya. i moabeta yu lusim em na yu wok strong long stadi bilong yu. Sapos em i laikim yu tru, em i ken helpim yu wet inap yu pinisim skul, painim wok na bihain long dispela, plenim marit bilong yutupela.

Yu luksave olsem taim yu gat boipren yu givim yu yet moa wok antap long ol stadi bilong yu? Ol taim we yu inap long yusim long mekim stadi bilong yu gut em yu yusim long tingim na mekim ol samting i sut long boipren bilong yu. Tru tru, yu nogat wanpela samting i pasim yu wantaim dispela manki, tasol bikos yupela i bin mekim promis, yu wok long yusim taim na spes bilong yu long tingim em.

Mipela i strongim yu long serim ol wari yu gat wantaim ol narapela gutpela pren o papamama na ol i ken helpim yu. Sapos yu memba bilong wanpela sios o lotu, i moabeta yu go lukim Pasto long givim yu sampela gutpela stiatok.

Mi Pren bilong yu Laipain

Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laipain



GLASIM RAMU NICO PROJEK



"Wanpela Ramu Nico, Wanpela Komuniti"

Ramu Nico Projek i kamapim planti wok bilong asples pipel

MALTI Bilian Kina Ramu Nikel Projek i kamapim planti wok bilong ol asples manmeri long Kurumbukari (KBK) main ples i go long nambis bilong Raikos long Basamuk rifaineri sait.

Planti asples manmeri i no bin go long sampela bikpela skul long kisim save long painim gutpela wok. Tasol taim Ramu NiCo i bin kamapim wok konstraksen long 2008 i kam inap tete, planti bilong ol dispela papagraun manmeri i kisim planti trening long kainkain save olsem welding, plaming, brik leing, lenskepung, wok draiva, kuk,

was na planti moa. Nau ol i wok wantaim Ramu NiCo na ol i gat gutpela save tu long painim wok long arapela kampani.

Insait long Kubup asples, Wod 30 long Saidor LIG, klostu tasol long Basamuk rifaineri, i gat wanpela yangpela meri asples nem bilong em i Jahanne Wass. Jahanne em wanpela bilong ol asples meri we Ramu NiCo i bin givim wok long em long Januəri 25, 2007 na tete em i wanpela supavaisa bilong haus kiping.

Stori bilong em i makim wankain tingting bilong ol narapela husat i bin tarangu lain

nogat wok na sans long painim mani tasol nau i gat gutpela sans stret long wok wantaim Ramu NiCo.

Jahanne em i singel meri na i gat namba stret ya! Em nau wok olsem supavaisa bilong ol haus kiping meri long Basamuk Rifaineri we 32-pla asples meri i wok aninit long em.

Jahanne tu i gat narapela bikpela wok olsem lukautim stoa haus we save i gat ol samting bilong haus kiping, na tu i lukautim ol draiva bilong sait sevis na kamapim skediul o taim bilong ol draiva na ol haus kiping.

Tarangu em asples meri stret taim em i wokim skul CODE i stap tasol em i bin sori stret long papa na mama bilong em husat i bin wok hat long peim skul fi bilong em na ol liklik brata na susa bilong em. Jahanne i lusim CODE skul na joinim wanpela kontrata bilong Ramu Projek long Jan 25, 2007.

Long Nov 26, 2007 em i bin joinim MCC-Ramu NiCo i kam inap tete.

"Mi gat 7-pela brata na susa na planti bilong ol i skul so nau mi wok na kisim gutpela mani na halivim ol long skul fi. Na tu laip bilong mi isi bikos mi gat inap mani," Jahanne i tok.

Jahanne i tok pastaim, wok i hat stret bikos ol Saina i no save tok Pisin na Inglis gut na em i bin painim hat long klia long tok bilong Saina bosman bilong em. Tasol nau em i tok em i ken save long wanem samting ol i toktok.

Em i tok tu olsem wok save i givim planti save long em na ol narapela meri long we bai ol wokim bet, stretim pilo na bet, klinim haus, kukim kaikai, wasim ol klos long masin na stretim wantaim ain na narapela save.

Bos bilong em man Saina i save wanbel long Jahanne stret na putim olgeta samting olsem ki bilong kar, stoa rum na opis long han bilong em. Na long ol wiken na holidi em i laik go long



Haus Keeping Supervisor, Jahane

Madang or ol arapela ples bai ol Saina i tok nogat bikos sapos em i go bai nogat wankain meri olsem em bai wokim wok gut.

Ananit long management bilong em, ol haus kiping meri i save wasim na stretim moa long 200 rum long olpela kem bilong Basamuk rifaineri na 50 haus na rum bilong ol menesa na supavaisa long nupela kem long wanwan de. Jahanne i lukautim tu ol haus kiping wok long nupela kem bilong Basamuk we i gat ol kainkain nupela stail haus bilong ol woklain.

Jahanne i amamas stret long wok bilong em na tok klia olsem em bai wok wantaim Ramu NiCo longpela taim bikos displa wok tasol i senisim laip bilong em na famili bilong em.

Em i save tokim ol narapela asples wokmeri poro bilong em long harim tok bilong bos bilong ol, laikim wok bilong ol na wok wantaim bel isi na amamas bikos bai ol i no nap painim kain wok sapos Ramu NiCo i rausim ol.

"Bipo mipela i nogat mani na we long baim gutpela kaikai na

klos. Nau Ramu NiCo i kamapim gutpela wok, mipela kisim pe na laip bilong mipela i senis stret. Mi amamas wantaim Ramu NiCo stret na kain wok mi wokim bikos nogat wanpela man bai givim mi kain wok," Jahanne i tok.

Raikos ileketoret, we Jahanne i asples em las ples insait long kantri we nogat gutpela developmen i kam long gavman long stat bilong independence na nau tasol em Ramu NiCo Projek i bringim kamapim planti bikpla sevis. Jahanne is amamas tru long dispela.

Wok hat bilong Jahanne i kisim bikpela luksave long Ramu NiCo menesmen long yia 2009 na 2010 we kampani i givim em National Staff Excellency Award long bikpela wok hat bilong em. Jahanne i nogat bikpela skul tasol kain gutpela wok wantaim strongpela discipline bilong em tasol i nau mekim em kamap supavaisa na i winim stret bel bilong ol Saina bos.

"Mi amamas long wok bilong mi na wok wantaim bel isi. Na mi tok tenkyu long Ramu NiCo i kam insait long ples bilong mipela na kamapim planti wok bilong mipela ol yangpela we mipela i kisim pe mani. Bikpela samting em mipela kisim ekpiciens we mipela i ken painim wok long ol arapela hap," em i tok.

Ramu NiCo Menesmen i save givim wankain wok sans long meri na man wantaim na tu save givim wok pastaim i go long papagraun lain sapos ol i ken wokim kain wok, bihain kampani i save painim saveman na meri long narapela hap bilong kantri. Dispela em human risos polici bilong Ramu NiCo.

Ritim gen next wik Nambawan Tok Pisin niuspepa bilong you, Wantok Niuspepa long save moa long Ramu NiCo Projek we i kamap insait long Madang Provins.

Ramu NiCo ready to deliver

In a little more than two years, Ramu NiCo has successfully constructed the multi billion Kina Ramu Nickel Project and now progressively commissioning it.

After obtaining necessary approvals and finalizing technical preparations, Ramu NiCo commenced the large scale construction in late half of 2008. Up to now, all major construction work at the Krumbukari mine site and Basamuk refinery are completed and the Project is in commissioning stage. Even internationally, this is not a speed normally seen in developing a Project of such a size and against challenging geographic and infrastructure conditions.

These figures can provide a sense of the magnitude of the work completed:

- Over 4.5 million cubic meters of earth work completed
- Nearly 195,000 cubic meters of concrete laid
- Nearly 48,000 tons steel structures erected, half of which is non-standard
- Over 2,000 units of equipment installed
- Over 227 km of drainage and process pipe laid (in addition to the 135 km slurry pipeline)

"One Ramu NiCo, One Community"

RAMU NICO

Rot bilong Mipela long Go Het Strong na Kamapim Wok

MCC

■ MCC em wanpela Fortune Top 500 Kampani wantaim maining invesmen i stap long olgeta hap long wok, na em dispela kampani husat i wokim 'Bird's Nest' long 29th Olimpik Gems bikpela stadium long Beijing.

■ MCC-Ramu NiCo nau i amamas long wok wantaim ol arapela stekholder insait long namba wan Nikel-Kobalt Projek long Kurumbukari main na Basamuk rifaineri long Madang Provins.

■ Kampani i sanap long Visin bilong en long "Gro i go kamap olsem bikpela intanesenel kampani insait long operesen na menesmen bilong nonferos metal wantaim Misin long wokim bikpela Ramu Nikel Projek i olsem olsem wanpela gutpela nikel laterait maining prosesing fasiliti long Wol. "Wanpela Ramu Nico, Wanpela Komuniti"



Maneja bilong Visen Siti Christopher Barraclough i traim nupela ATM masin long Visen Siti.

BSP Opim 189 ATM

LONG dispela wik BSP i opim tupela nupela ATM masin long kantri, wanpela long bikpela stoa long Pot Mosbi ol kolim long Visen Siti (Vision City) na narapela long Lihir ailan long Nu Ailan Provins.

Dispela i bringim namba bilong olgeta ATM benk i gat i go inap long 189.

BSP i opim dispela tupela nupela ATM long mekim isi long ol kastoma bilong ol insait long kantri, na tu long mekim isi long ol i kisim mani bilong ol.

Dispela ol ATM nau bai mekim 189 masin insait long kantri, long opim dispela nupela ATM long visen siti, Rilesenseip Menesa bilong BSP Royce Goh na Menesa bilong Visen Siti, Christopher Barraclough i bin opim na lonsim wantaim.

BSP bai opim sampela ol ATM bilong ol long kantri 24 awa, olsem Pot Mosbi, Boroko, Waigani benking senta, Tabubil, Buka, Lae Top taun, Lae komesel, Kokopo, Kavieng, Lihir, Mt Hagen, Alotau na Rabaul we ol op pinis 24 awa.

Ol ples nau BSP givim tok orait long ol long op 24 awa nau em Motukea, Waigani draiv, Mendi, Madang, Moro, Kimbe Kundiawa na Goroka.

BSP tu givim ol sampela ples long op i go 9 kilok nait bihain bai ol bai pas em, Kainantu, Kiunga, Lae maket, Wewak, Pogera, Wabag na Lorengau.

BSP laik traim long kisim 250 ATM masin na putim insait long kantri bipo long pinis bilong dispela yia 2011.



Namba wan Tok Pisin Wikli Niuspepa bilong kantri, Wantok Niuspepa, i painim manmeri bilong inapim ol dispela wok:

1. NIUS RIPOTA (2-pela)

Dispela wok i nidim man na meri:

- i gat trening long wok nius ripota;
- i wok inap tupela yia pinis wantaim niuspepa;
- inap ritim na raitim gut tok pisin na tok inglis;
- i save long yusim dijital kamera long kisim foto;
- i klia long raitim nius long niuspepa; na
- i gat gutpela Kristen bilip na pasin.

2. NIUSPEPA SAB EDITA NA GRAFIK DISAINA (2-pela)

Dispela wok i nidim man na meri:

- i gat trening long wok niuspepa sab edita na leiaut grafik atis;
- i wok inap long tupela yia wantaim niuspepa long kantri;
- i save gut tru long yusim QuarkXPress na Adobe Photoshop na Illustrator;
- i gat save long kamapim ol nupela kain disain bilong niuspepa;
- i ken wok gut wantaim ol arapela wanwok;
- i ken yusim tingting bilong em yet long mekim wok; na
- i gat gutpela Kristen bilip na pasin.

3. ADVERTISING SALES REPRESENTATIVE

Qualification:

- A Diploma in Business Studies majoring in Sales and Marketing;
- Must be of sober habit; and
- Be willing to learn and work as part of an innovative and energetic sales team.
- Experience preferred, but not necessary.

4. CIRCULATION SUPERVISOR

Main area of responsibility will be to develop Customer retail outlet bases around PNG and Overseas on Subscription.

Qualification:

- A Diploma in Business Studies majoring in Management or Sales & Marketing;
- Minimum of three (3) years experience in a similar job;

- Well versed with word processing and spreadsheet computer applications and able to work to strict deadlines;
- Must have at least three years hands-on experience in a distribution networking area;
- Familiar with handling of Airline Cargo and shipment documentation; and
- Must be of sober habit and be prepared to work long hours.

5. OFFICE MANAGER/RESS

Main duties include Office Administration; Account Management; Data Entry and Secretarial and Reception duties; and work closely with Finance.

Qualification:

- Diploma in Business Studies or similar;
- Excellent oral & written communication skills;
- Computer Literate in MS Office; Excel and Word; and
- Excellent Grooming and Presentation Skills;

6. ACCOUNTANT

Reports to the Financial Controller. Will manage the smooth operations of the accounts department.

Qualifications:

- Accounting Degree or equivalent;
- Must possess knowledge of accepted accounting practices and principles;
- Must be CPA-qualified;
- Knowledgeable with MYOB, Attache and related computer applications;
- Must of sober habit, with at least 2-3 years experience in a similar role.

Attractive packages are offered for all positions, and will be made available to the right applicants.

Forward your full CVs no later than 30 June 2011 to:

The General Manager,
Word Publishing Company Limited,
P.O.Box 1982, Boroko, NCD
Email: word@wantok.com.pg
Fax: 325 2579

ASIAN breakaway

<p>SINGAPORE K4050* PER PERSON TWINSHARE 3 NIGHTS BAY VIEW HOTEL</p>	<p>HONG KONG K3505* PER PERSON TWINSHARE 3 NIGHTS HARBOUR PLAZA 8 DEGREES HOTEL</p>	<p>MANILA K3330* PER PERSON TWINSHARE 3 NIGHTS BAYVIEW PARK HOTEL</p>
--	---	---

ALL ASIAN BREAKAWAY PACKAGES INCLUDE:
Return airfares from Port Moresby to the specified destination, 3 nights twin share accommodation as specified, daily breakfast, return airport transfers and all applicable taxes.

Call toll free on **180 3444** or contact your nearest Air Niugini Travel Centre or Travel Agent to secure your Asian 'breakaway' Tour

*Prices are subject to availability and change without notice. Strict conditions apply



TROMOI LEK: Pilaia bilong National Parliament i mekim wanpela stail long kikim bal long Mosbi Pablik Sevens soka salens bilong ol las wik Sarere.



TRAIM: Wanpela pilaia bilong SBSL Muruks i traim long brukim banis bilong ol Gulf Isapea long Digicel kap gem bilong ol long Mosbi las wik Sande.

POTOS: Andrew Molen.

RON: Fowet bilong ol University Piggies i ronawe wantaim bal long gem bilong ol agensim Juggernauts long Mosbi ragbi yunion A Gred resis we Piggies i bin win 76-7.



RAUSIM: Beklain pilaia bilong PS Ruts, Lavinia Hola i redi long kikim bal i go aut long gol maus bilong em long gem bilong ol agensim PNG skwat long Mosbi.



STRONG BILONG WIN: PNG seling tim i bin mekim trening bilong ol long Mosbi las wik Sarere long redi long Pasifik Gems.

BILAS LONG PAIT: Andrew Kari (Ilephan) wantaim poroman bilong em i no bin westim taim long putim han glav na het karamap taim tupela i lukim long sim long Yoyal Papua Yacht Club long Mosbi las wik Sarere.

- Weekend Sports -

Digicel Cup

Raun 9

Sande Julai 3, 2011

Hela Wigmen	vs	Gulf Isapea	Port Moresby
SNS Port Moresby Vipers	vs	Bintangor Goroka Lahanis	Port Moresby
Agmark Rabaul Gurias	vs	Snax Lae Tigers	Kokopo
SBSL Mendi Muruks	vs	WGS Eagles	Lae
Toyota Enga Mioks	vs	Kongo Coffee Simbu Warriors	Wabag

Corporate Touch Port Moresby
Gem 14- Sande Julai 3, 2011

Pilai Graun 1

9:00	OW SPAC	vs	PNG Post
9:30	OW Digicel	vs	PNG Media

10:00	OM SPAC	vs	PNG Post
10:30	OM Digicel	vs	PNG Media
11:00	MIX SPAC	vs	PNG Post
11:30	MIX Digicel	vs	PNG Media
12:00	MAS Trukai Rice	vs	Honets
12:30	MAS BSP	vs	NCD Professionals
13:00	MAS Digicel	vs	Bishop Brothers
13:30	MAS Nasfund	vs	G4S
14:00	MIX Trukai Rice	vs	NCD Professionals
14:30	MIX BSP	vs	Nasfund
15:00	MIX Nuiford Water Board	vs	G4S
15:30	OW Trukai Rice	vs	NCD Professionals
16:00	OW BSP	vs	Nasfund
16:30	OW Nuiford Water Board	vs	G4S

Pilai Graun 2

9:00	OM POM Grammer	vs	PNG Power
9:30	OM Cummins	vs	Bishop Brothers
10:00	MIX POM Grammer	vs	Bishop Brothers
10:30	OW Cummins	vs	Honets
11:00	MIX Cummins	vs	NFA
11:30	MIX Lakowalai	vs	Honets
12:00	OW Bishop Brothers	vs	ANZ LOTUS
12:30	OW Pangtel Crusadors	vs	NFA
13:00	MIX SDP Spartans	vs	ANZ LOTUS
13:30	OW PNG Power	vs	Lakowalai
14:00	OM Lakowalai	vs	ANZ LOTUS
14:30	OM SDP Spartans	vs	Honets
15:00	OM Pangtel Crusadors	vs	NFA
15:30	OM Nuiford Water Board	vs	G4S
16:00	OM Trukai Rice	vs	NCD Professionals
16:30	OM BSP	vs	Nasfund

Bai: MIX PNG Power.

TOKSAVE: Salim ol spots dro bilong yu kam long Feks; 325 2579, e-mel; amolen@wantok.com.pg o kam lusim long Wantok Niuspepa opis long Central Waigani, NCD.



Makim na sut



GAN NA MAK: Ea raifol wantaim mak bilong 50m.

GAN em i wanpela samting nogut we i ken kilim man na bagarapim planti arapela samting sapos yu no yusim gut long strepela rot.

Ol man long ples i save yusim long painim abus, ol polis na ami save yusim long lukautim ples long ol man nogut.

Long ol arapela bikpela kantri long wol, gan em samting we planti manmeri save baim na putim long haus.

Sampela i save yusim long painim abus, sampela long lukautim banis bilong ol long ol animal nogut olsem ol wail dok na pik na sampela long bilasim haus bilong ol.

Long bipo taim, gan em i wanpela samting we olgeta manmeri save gat long yusim.

Nau em i tambu long olgeta manmeri long i gat gan na wanwan tasol husat i gat laisens i save gat.

Ol polis na ami na ol arapela wokmanmeri bilong lo na gavman tasol i save gat gan.

Narapela ol lain husat i save gat gan em ol lain husat i save pilai gem bilong sut long gan o suting (shooting).

Tasol gan ol i save yusim long pilai dispela gem i no wankain stret olsem gan we ol ami na polis na arapela i save karim.

Dispela ol gan em bilong pilai tasol ol i save paia tu na hevi ken kamap sapos yu no was gut tu.

Histri bilong gem

Gem bilong suting i stat long 19 sensri taim planti gutpela man bilong sut long gan i kamap.

I no long taim planti ol intanesenel suting tonamen i kamap.

Long 1896, em i go insait long Sama Olimpiks na long 1897, em i go insait long wol sempionsip.

International Shooting Sport Federation i save lukautim dispela spot na wanem kain ol gan ol i ken yusim insait long ol gem bilong ol.

Ol samting na stail bilong pilai

I nogat planti samting bilong pilai dispela gem, yu mas i gat gan na gutpela ai long lukim mak bilong yu long sutim.

I gat tripela kain gan ol i save yusim long dispela spot na i gat wanwan pilai bilong ol man na meri long dispela ol gan.

Dispela ol gan em Ea (air) pistol, ea raifol (air rifle), pistol.

Ol i save yusim dispela ol gan long wanwan pilai.

Wanwan bilong ol dispela pilai gat stail bilong ol long pilaim wantaim gan.

Sampela, olsem skeet, em wanpela masin i save tromoi samting i go antap long skai na ol pilaia bai traime long sutim.

Suting long PNG

I nogat wanpela asosiesen o klap bilong dispela spot i stap long PNG.

I gat gan klap tasol ol i no save yusim dispela klap olsem wanpela spot.

PNG i no salim wanpela tim i go yet tu long ol intanesenel tonamen long dispela spot, long wankain taim, i nogat lokol kompetisen bilong dispela spot i stap insait long kantri.

Wanpela as bilong dispela em bilong wanem loa bilong kantri no tok orait long ol manmeri nating i gat gan olsem na dispela i ken mekim hat long kain spot na asosiesen i kamap long hia.

Em i no isi tu long kamapim ol suting klap bilong wanem i mas i gat gutpela ples i stap longwe long ol manmeri we ol memba i ken i go sanap na sut long mak.

Dispela ples i mas i stap longwe bilong wanem katres i ken kisim ol arapela manmeri sapos dispela klap i stap klostu long ol ples we ol manmeri stap long en.

Tasol, suting em i wanpela spot we PNG bai nap long givim gutpela salens long ol pilaia bilong arapela kantri tu sapos i gat dispela spot long hia.

SANAP: Ol pilaia i sanap redi long sutim ol mak bilong ol long wanpela intanesenel tonamen.



MAKIM: Wanpela meri sut wantaim pistol.



SUT: Wanpela man i sut wantaim sot gan long Olimpik gems.



Rogers kam bek long helpim Titans

BIPO Kangaroo na Wallabies pilaia, Matt Rogers i lusim gem long 2010 tasol bipo klap bilong em, Gold Coast Titans, i laik kisim em i kam bek.

Oi Titans i stap las long pouns leda wantaim 10-pela poin tasol na ol i mas mekim wanpela samting long kirapim gem bilong ol gen.

Rogers, husat i save pilai faiv eit bilong ol inap long em i pinis pilai long 2010, em man ol i laik kisim i go bek long helpim ol gen.

Laspela NRL gem em i pilai, em long priliminari fainol we ol i lus long ol Roosters.


Dispela i bin 199 NRL gem bilong em we i bin stat wantaim ol Cronulla Sharks long 1995 bipo em i go long ragbi union long 2002.

I gat bilip olsem Rogers bai pilai wantaim long raun 18 taim ol i bungim ol Warriors.

Rogers. 35 krismas, i tokaut dispela wik olsem em i tru, em bai kam bek na pilai bilong ol Titans inap long dispela sisen i pinis.

"Mi no bin trening long level bilong NRL sampela mun nau olsem na namba wan samting bilong mi long mekim em long trening strong pastaim," em i tok long ol nius ripot. "Em bai gutpela sapos mi ken inap long pilai gen tasol nau yet mi laik trening na helpim skwat long kisim sampela strong gen pastaim," Rogers i tok.

Titans kosa, John



HELPIM: Oi Titans i kisim Rogers i kam bek long helpim ol.

Cartwright i amamas tasol long kisim wanpela gutpela pilaia bilong em i go bek long tim.

"Em i save strongim gut ol lain husat i stap klostu long em olsem na mipela i tingting long kisim em i go bek insait long tim wantaim ol

arapela pilaia. "Mipela i bungim planti hevi long gem bilong mipela nau olsem na em bai gutpela long i gat kain pilaia olsem em husat i gat gutpela ekspiens na tu em i kisim liklik malolo, na dispela bai gutpela long

mipela," Cartwright i tok. Menesing dairekta bilong Titans, Michael Searle, i tok ol i no laik putim presa long Rogers long sevim ol. "Sapos em i nap na i laik pilai, em bai gutpela long em na mipela tu," Searle i tok.

Lockyer laik win

i kam long pes 32

Namba tri gem bai kamap tu long asples bilong Lockyer yet long Suncorp stadium long Brisbane na inogat tok, sapos bilong ol asples long tim na sempion pilaia bilong ol tu bai bikpela stret.

Tasol long dispela wik, kosa bilong Maroons, Mal Meninga, i tok, ol bai no inap lukim dispela gem olsem wanpela bikpela gem.

"Mipela i pilai wantaim longpela taim na i save long stap insait long kain ol bikpela gem olsem," Meninga i tok.

"Em bai laspela gem bilong Lockyer

na mipela olgeta i save tasol tingting bilong mipela i pas tasol long redi gut na mekim gut ol samting long trening bipo long gem i stat," em i tok.

Meninga i tok ol Blues i bin pilai gut tru long gem tu na ol i luksave long dispela olsem na ol i mas redi gut tu.

Lockyer i stat pilai long Stet ov Orisin long 1998 na inap long 2011, em i pilai 35 gem olgeta bilong Kwinnslen.

Em i kamap olsem wanpela biknem pilaia bilong Kwinnslen olsem ol arapela bipo long em.

Maroons tim em: Billy Slater, Darius Boyd, Justin Hodges, Greg Inglis,

Jharal Yow Yeh, Darren Lockyer (c), Johnathan Thurston, Matthew Scott, Cameron Smith, Petero Civoniceva, Nate Myles, Sam Thaiday, Ashley Harrison; Interchange: Cooper Cronk, Ben Hannant, Jacob Lillyman, Dane Nielsen, Corey Parker

Blues tim em: Paul Gallen (c), Greg Bird, Ben Creagh, Michael Ennis, Keith Galloway, Mark Gasnier, Kurt Gidley, Jarryd Hayne, Michael Jennings, Luke Lewis, Tim Mannah, Trent Merrin, Anthony Minichiello, Brett Morris, Mitchell Pearce, Beau Scott, Jamie Soward, Glenn Stewart, Akuila Uate, Anthony Watmough.

NRL Dro Raun 17

Sarare, Julai 1

Eels V^s Broncos

Parramatta Stadium

Sarare, Julai 2

Panthers V^s Bulldogs

Penrith Stadium

Sande, Julai 3

Dragons V^s Knights

WIN Stadium

Sharks V^s Rabbitohs

WIN Stadium

Mande, Julai 4

Roosters V^s Raiders

SFS

Bai: Storm, Titans, Warriors, Cowboys, Tigers, Manly.

Harvey Norman State of Origin: Gem III - Suncorp Stedum, Brisbane: Julai 6.

NRL Pouns leda bihain long Raun 16

Pos	Club	P	Pts	W	D	L	B	F	A	+/-
1	Storm	15	26	12	0	3	1	333	180	153
2	Dragons	15	25	11	1	3	1	302	183	119
3	Sea Eagles	15	24	11	0	4	1	330	211	119
4	Cowboys	15	22	10	0	5	1	354	280	74
5	Broncos	15	22	10	0	5	1	292	246	46
6	Knights	14	18	7	0	7	2	254	249	5
7	Bulldogs	14	18	7	0	7	2	260	277	-17
8	W-Tigers	15	16	7	0	8	1	294	290	4
9	Warriors	15	16	7	0	8	1	263	272	-9
10	Panthers	14	16	6	0	8	2	268	279	-11
11	Rabbitohs	14	16	6	0	8	2	271	298	-27
12	Sharks	14	14	5	0	9	2	257	306	-49
13	Eels	14	13	4	1	9	2	222	325	-103
14	Roosters	14	12	4	0	10	2	190	275	-85
15	Raiders	14	12	4	0	10	2	255	343	-88
16	Titans	15	10	4	0	11	1	223	354	-131

SPOT RAUN

WANTAIM

Scott Vavine, ML



Ol wok redi bilong 2012 PNG Gems

LONG Novemba 19 i go long 30, 2012 i kamap, bai namba 5 PNG Gems i kamap long Is Nu Briten provins.

Askim i bin go long ol memba bilong PNG Gems Kaunsel na wanwan pesman bilong 20 provins insait long kantri long bung na lukluk long ol wok redi bilong dispela bikpela gem bilong kantri.

Dispela ol lain i bung long Kokopo las wik, dispela em ples we pilai bai kamap.

Ol pesman bilong 9-pela provins i bin kamap long dispela bung we i ron wanpela wik olgeta.

Dispela ol provins husat i kamap long dispela bung em Is Nu Briten, Bogenvil, Sauten Hailans, Westen hailans, Enga, Isten Hailans, Sentrol, Westen na Nesenel Kapitol Distrik.

Ol memba bilong PNG Gems kaunsel husat tu i kamap em Edris Kumburuwa, Raina Wareba, Nellie McLay, John Paliu, Peter Chalapan na mi (Scott Vavine) yet.

Ol memba bilong komiti bilong Is Nu Briten tu i stap long dispela bung.

i bin gat tupela hap bilong dispela bung, namba wan hap i lukluk long stretim kontrak bilong komiti long Is Nu Briten husat i go pas long ol wok redi na namba tu i lukluk long ol samting na ples bilong pilai.

Ol provins i go pas long tokaut long wanem kain ol ples ol i laikim ol tim bilong ol long stap long en.

Planti samting i no redi gut yet tasol komiti long hap i tok klia olsem ol manmeri noken wari bilong wanem ol i wokhat tru na olgeta samting bai pinis na redi gut long taim bilong gem stret.

Mi yet i lukim olsem olgeta pilai bai kamap inapim olgeta distrik long hap.

Dispela i gutpela tu bilong wanem ol i kisim ol gem i go long ol komyuniti we planti manmeri long hap bai nap long lukim na save long PNG Gems namba wan taim tru.

Ofisol opim na pasim bilong gem bai kamap long Kokopo Spots senta, dispela em i namel ples bilong ol gem long kamap tu.

Ol wok bilong redim ol ples na samting bilong pilai na stap tasol long wankain taim, ol i lukluk tu long wok bilong karim ol tim i go long ol pilai graun na go bek.

Astingting em long mekim isi bilong ol tim long go long gem bilong ol na go bek long ples ol i stap long en hariap.

Ol rot bilong Is Nu Briten em i wanpela bilong ol nambawan rot insait long kantri na mi no ting bai gat planti hevi tumas long kisim ol tim i go i kam.

Planti ol komyuniti long ol distrik long hap i harim na save pinis olsem dispela gem bai go long ol na klostu nau bai o i lukim em i kamap stret.

17 spots bai kamap long dispela tonamen we ol provins bai resis long en na narapela 13 we ol i ken kisim tu sapos ol i laik.

Dispela ol 17 spot we ol i mas resis insait long en em; etletiks, basketbol, soka, pawalifting, ragbi sevens (7's), ragbi lig nains (9's), tebol tenis, voli-bol, netbol, sofbol, boksing, bodibilding, kikkoksing, taekwando, dat, judo na tas futbol.

Narapela 13 spot we ol provins i ken pilai tu sapos ol i laik em; asri, bedminton, biliad, kriket, wilwil resis (cycling), golp, swimming, tenis, va'a (kanu resis), weiltifting, hoki, skwas na lon bols.

Ol provins husat i no bin kamap long dispela kibung, i mas ringim PNG Gems sekreteriat long kisim moa toksave.



APIM: Toua i kam bek trening na pilai gen. POTO: Andrew Molen.

Dika Toua kam bek

Andrew Molen i raitim

SEMPION meri weiltifta bilong Papua Niugini, Dika Toua i kam bek long pilai gen.

Em i stat trening long pinis bilong las mun tasol na i wok hat long kisim bek strong na stail bilong em gem bilong em.

Laspela taim Toua i bin makim PNG em long 2006 Komonwelt Gems long Melbon (Melbourne), Australia we i bin kamap namba tri

PNG etlit long winim wanpela medol long dispela bikpela tonamen.

Long las 4-pela yia, Toua i marit na i lukautim tupela pikinini bilong em wantaim man bilong em.

Nau em i tok em i laik kam bek pilai gen.

Toua nau i gat 24 krismas na bodi bilong em i strong yet long pilai weiltifting.

Las wik Sarere em i kamap long wanpela pilai long Royal Papua Yot Klap long Mosbi wantaim PNG

weiltifting tim husat ol i wok long redi long go long Pasifik Gems long Nu Kaledonia long Ogas dispela yia.

Toua i tok em i no save sapos em bai stap insait long dispela skwat tu tasol em i amamas long kam bek na trening strong gen wantaim ol arapela yangpela pilai.

I nogat toksave tu i kam long ol ofisol bilong weiltifting tasol i gat bilip olsem ol i laik em i redi gut na go insait long tim wantaim ol dispela yia.

Lahanis bosim leda nau

Bustin Anzu i raitim

TAIM Bintangor Goroka Lahanis i winim tim bilong mi, Snax Lae Tigers 36-6 long Nesinol Spots Institut (NSI) long Goroka, sapota na bot memba bilong Lahanis, Augustine Wampe i ringim mi long Vanimo.

Mi lukim namba bilong em long mobail fon bilong mi na mi save olsem Lahanis mas nekim Tigers na em i ring.

Mi stap liklik moa na em i ring gen na taim mi kisim fon na bekim, Wampe i tokim mi olsem tim bilong mi Tigers i no fit long Lahanis.

Na taim mi askim em wanem skoa, em i tok ol mangi long kol ples i memeim Tigers long 30 poin.

Mi ting Tigers i kisim dispela kain skoa tasol long las wiken, Huli Wigmen tu i kisim bagarap wantaim 30-10, we i 20 poin moa long dispela.

Na taim mi skelim dispela, mi no amamas long dispela kain skoa we Lahanis i wok long givim long ol narapela tim husat i go long Goroka.

Mi no amamas long kain skoa olsem. Tru, mi bin stap longwe na nogat sans long go long Goroka na sapotim o kisim sampela nius stori long dispela na ol narapela pilai tu.

Tasol wanem samting em i tokim mi olsem tim bilong mi no win na ol i no inap win, dispela i mekim mi wari na tu, belhat.

Planti tim tu i gat tingting long winim ol pilai long asples bilong ol.

Tasol, ol i no laki long mekim olsem na Lahanis i amamas wantaim dispela kain skoa, na nau i go pas

long Digicel kap leda.

Lahanis i gat tingting long winim olgeta pilai long asples bilong ol na mekim isi long go insait long fainols.

Dispela tim husat i winim dispela bikpela pilai resis long 2010, i no bin givim sans long ol arapela tim dispela yia, taim ol pilai i kamap long asples bilong ol Goroka.

Dispela tasol i givim ol gutpela na strongpela salens long ol arapela tim long mas soim sampela strong long daunim ol insait long dispela pilai resis bilong ol.

Wanpela samting we bungim ol mangi long pilai gut na kisim dispela kain namba long olgeta wiken, em long wanem, i gat gutpela luksave namel long ol yet.

Kosa bilong Lahanis na olupela faiv et, Peter Danga, i tok bikpela samting long dispela pilai, em rispek ol i gat long olgeta yet – ol pilai na ol opisol.

Danga i bin tok olsem, ol i gat rispek long ol arapela tim, taim ol i go long Goroka tasol wanpela samting we i save mekim ol i kam aut long pilai wantaim win, em long pasin bilong rispek long ol yet.

Nau yet, ol i sindaun long namba wan sia wantaim 14 poin.

Tasol ol i no ronowe longwe tumas.

Tim bilong Timothy Lepa, Toyota Enga Mioks, i stap baksait wantaim 12 poin.

Mioks tu, i winim olgeta pilai bilong ol long asples, Aipos pilai graun long Wabag na i putim gut mak bilong en long dispela resis.

Baksait tasol long ol em Stop 'N' Shop

Port Moresby Vipers.

Posin snek bilong Mosbi sindaun namba tri ples wantaim 11 poin na givim gutpela resis long Lahanis na Mioks.

Structural Bridging Systems Limited (SBSL) Mendi Muruks na Kongo Coffee Kundiawa Warriors, wantaim i sindaun long namba 4 ples wantaim 9-pela poin.

Tasol Muruks i sindaun antap long Warriors bilong wanem, ol i putim moa poin insait long ol gem bilong ol.

Narapela 5-pela tim husat i stap aninit long top mak em Agmark Rabaul Gurias wantaim 8 poin, Tigers (7), Wantok Gaming Systems Mount Hagen Eagles (6), Huli Wigmen (3) na Small Goods Prima Gulf Isapea wantaim wanpela poin tasol.

Dispela wiken em namba nain pilai bilong raun wan.

Eagles, Wigmen na Isapeas i luk olsem ol mas winim olgeta pilai bilong ol long hia i go, long wanem, ol narapela tim i go pas tru long ol wantaim ol gutpela poin.

Sapos ol i lusim sampela gem, em bai no inap helpim ol long strongim wokabaut bilong ol insait long dispela pilai resis.

Lahanis, Mioks na Vipers i gat gutpela sans long pilai insait long fainol long wanem, ples ol i sindaun long en, em i oraitim ol long en.

Muruks, Warriors, Gurias na Tigers i gat wankain sans olsem narapela tripela tim husat i go pas.

Tasol, ol mas hatwok na win long gutpela poin long kisim ples bilong ol insait long dispela resis.

WANTOK SPOTS



Isu 1923

Wan wik: Fonde, Jun 30 - Julai 6, 2011.

Have you tried Corned Tuna?



NEW

DIANA

Kids will surely love it.

Corned Tuna

Great tasting corned tuna with real corned beef flavor!



Serving Suggestion

Laspela taim

Laspela gem bilong Lockyer

LONG Trinde wik i kam, bai laspela taim bilong kepten na faiv eit bilong Kwinslen, Darren Lockyer, long kisim ol i go insait long wanpela Stet ov Orisin gem.

Dispela bai laspela gem bilong em long pilai makim stet bilong em na Lockyer wantaim ol pilaia bilong em i gat wanpela tingting tasol, dispela em long win.

Ol Maroons i laik winim namba 6 taitol bilong ol insait long 6-pela yia stret na long wankain taim salim kepten bilong ol i go aut long gem.

Sapos ol i win tu, bai kamap olsem histri bilong dispela gem.

Tasol em bai no inap isi bilong wanem ol Blues i soim long gem wan na olsem ol i gat strongpela

tingting long bagarapim pati bilong ol Maroons.

Ol Blues i lusim gem wan 12 - 10 na Gem tu ol i kam bek na winim 18-8 long stap laip yet insait long dispela resis.

Skoa bilong ol long dispela tupela gem i soim olsem ol i no giaman long holim bal nating.

Moa long Pes 30.



SEMPION: Lockyer i laik pinisim laspela gem bilong em wantaim win bilong Maroons.

Profail

De mama karim: 24 March 1977 (34 krismas).

Ples: Brisbane, Queensland, Australia.

Longpela bilong em: 178 cm (5 ft 10 in).

Hevi bilong em: 85 kg (13 st 5 lb).

Gem rekot

Posisen: Fulbek, faiv eit.

Klap: Brisbane Broncos (345 gem).

Stet ov Orisin Gem: Qld(35 gem).

Intanesenel Gem: Australia (54 gem).

NRL All Stars: 2 Gem.



NISSAN NAVARA D22
2WD/4WD Single Cab Utility

DRIVE AWAY



➔ 2 Wheel Drive 2.7 Litre Diesel

➔ AM/FM Radio Cassette

➔ 4 Wheel Drive 3.2 Litre Diesel

BOROKO MOTORS

PORT MORESBY ☎ 325 5255
LAE ☎ 472 1144
MT HAGEN ☎ 542 1933
TABUBIL ☎ 649 9048
KIMBE ☎ 983 5035
MADANG ☎ 422 2659
KOKOPO ☎ 982 8193
GOROKA ☎ 532 3552

Email: info@borokomotors.com.pg
Website: www.boroko-motors.com

MP116599c

